


孔子家語

上



漢書門
二四九六
一四〇函
一四架
二冊
類

內閣文庫
漢書
二四九六
一四〇函
一四架
二冊

金塘訂本

內閣文庫
番號 漢 2496
冊數 2 (1)
函號 298 12

298-12



魏王雍子註

永懷堂授古本


孔子家語

金閻 葉顯吾 周交甫 發兌

孔子家語序

淺學文庫

魏王 肅子雍撰



鄭氏學行五十載矣自肅成童始志于學而學鄭氏學矣然尋文
責實考其上下義理不安違錯者多是以奪而易之然世未明其
款情不謂其苟駁前師以見異於前人乃慨然而嘆曰余豈好難
哉予不得已也聖人之門方壅不通孔氏之路枳棘充焉豈得不
開而辟之哉若無由之者亦非予之罪也是以經禮申明其義
及朝論制度皆據所見而言孔子二十二世孫有孔猛者家有其
先人之書管相從學頃還家方取已來與予所論有若重見之類

家語

一序

永懷堂

昔仲由曰文王既沒文不在茲乎天之將喪斯文也後死者不得
與於斯文也天之未喪斯文也匡人其如子何言天喪斯文故今
已傳斯文於天也今或者天未欲絕斯文故今從子學而子從猛
得斯論以明相與孔氏之無違也然則聖人實事之論而恐其將
絕故特爲解以貽好事之君子語云牢曰子云吾不試故藝談者
不知爲誰多妄爲之說孔子家語孔子有琴張一名牢字子開子
張衛人也宗魯歿將往弔孔子止焉春外傳曰昔堯臨民以五
說者曰堯五載一巡狩五載一巡狩不得稱臨民以五也經曰五
載一巡狩此乃說舜之文非說堯孔子說論五帝各道其異事於

始末第二

王言解第三

大春解第四

一儒行解第五

問禮第六

五儀解第七

家語

序

二

天壤堂

五士之嫂姑曰謂以正北其義也

寧曰言則謂凡十二平亦七日義以火斷王天下而尚黃黃土斷

後云以辨天下之理一命則義之世林平禮未四四十二歲一歲

家語目錄

卷一

相魯第一

始誅第二

王言解第三

大昏解第四

儒行解第五

問禮第六

五儀解第七



家語

卷二

致思第八

三恕第九

好生第十

卷三

觀周第十一

弟子行第十二

賢君第十三

辨政第十四

卷四

六本第十五

辨物第十六

哀公問政第十七

卷五

顏回第十八

子路初見第十九

在尼第二十

入官第二十一

家語

因誓第二十二

五帝德第二十三

卷六

五帝第二十四

執轡第二十五

本命解第二十六

論禮第二十七

卷七

觀鄉第二十八

郊問第二十九

五刑解第三十

刑政第三十一

禮運第三十二

卷八

冠頌解第三十三

廟制解第三十四

辨樂第三十五

問玉第三十六

曲禮子貢問第三十九

世禮子夏問第四十

曲禮公西赤問第四十一

卷十

禮記第四十二

禮記第四十四

孔子家語卷一

魏散騎常侍領秘書監兼崇文館祭酒東海王 肅注

皇明

後學東吳金 蟠訂

相魯第一

孔子初仕為中都宰。中都魯邑制為養生送死之節。長幼異食。如禮年五十異

也強弱異任。任謂力作之事各從所任不用弱也男女別塗。路無拾遺。器不雕偽。無

飾雕畫為四寸之棺。五寸之槨。以木為槨因丘陵為墳。不封。不聚土以起墳者也定公謂

不樹。不樹松栢行之一年。而西方之諸侯則焉。魯國在東故西方諸侯皆法則

孔子曰。學子此法以治魯國。何如。孔子對曰。雖天下可乎。何但魯

家語

卷一 相魯

承漢堂

攝權也

國而已哉。於是二年，定公以為司空，乃別五土之性。立土之性，一曰墳，二曰原，三曰丘陵，四曰墳，五曰原隰。而物各得其所生之宜，咸得厥所。先時季氏葬昭公于墓道之南。季平子逐昭公，死于乾侯。平子，孔子別而葬之，貶之，不令近先公也。孔子溝而合諸墓焉。謂季桓子曰：「貶君以彰已罪，非禮也。」桓子，平子之子。今合之所以揜夫子之不臣，由司空為魯大司寇，設法而不用，無姦民定公與齊侯會于夾谷。孔子攝相事，曰：「臣聞有文事者必有武備，有武事者必有文備。古者諸侯竝出疆，必具官以從，請具左右司馬定公從之。至會所，為壇位，土階三等，以遇禮相見。」會遇之禮，禮之簡略者也。揖讓而登，獻酢既畢，齊使萊人以兵鼓諗劫定公。萊人，齊人。東夷，雷鼓，日諗。孔

作在各切音昨心為動也 懣去乾反

子歷階而進，以公退。曰：「士以兵之，吾兩君為好，裔夷之俘，敢以兵亂之。」裔，邊裔。夷，夷狄。俘，軍所獲虜也。言此三者何敢以兵亂兩君之好也。非齊君所以命諸侯也。裔不謀夏，夷不亂華。華，夏中。國之名。俘不干盟，兵不偪好。於神為不祥，於德為僣義。於人為失禮。君必不然。齊侯心忤，麾而避之。有頃，齊奏宮中之樂，俳優侏儒戲於前。孔子趨進，歷階而上，不盡一等。曰：「匹夫熒侮諸侯者，罪應誅，請右司馬速刑焉。」於是斬侏儒，手足異處。齊侯懼，有慙色。將盟，齊人加載書，曰：「齊師出境，而不以兵車三百乘從我者，有如此盟。」孔子使茲無還對，曰：「魯大而不返我汶陽之田，吾以供命者，亦如之。」齊侯將設享禮，孔子謂梁丘據曰：「齊魯之故，

家語

相魯

正禮堂

吾子何不聞焉。梁丘據舊聞齊魯之故事事既成矣而又享之是勤執事且犧

象不出門。作犧牛及象於其背為縛嘉樂不野合享而既具是棄禮若其不具

是用粃粃。粃穀之不成者粃草之似穀者用粃粃君辱棄禮名惡子盍圖之夫享

所以昭德也不昭不如其已乃不果享齊侯歸責其群臣曰魯以

君子道輔其君而子獨以夷狄道教寡人使得罪于是乃歸所侵

魯之四邑及汶陽之田。四邑鄆護龜陰也洙有汶陽之田本魯界

孔子言於定公曰家不藏甲。別大夫稱家甲鎧也邑無百雉之城。高丈長丈日堵三堵

日古之制也今三家過制請皆損之乃使季氏宰仲由隳三都叔

孫不得意於季氏因費宰公山弗擾率費人以襲魯孔子以公與

季孫叔孫孟孫入于費氏之宮登武子之臺費人攻之及臺側孔

子命申句須樂頎勸士眾下伐之費人北遂隳三都之城強公室

弱私家尊君卑臣政化大行

初魯之販羊有沈猶氏者常朝飲其羊以詐市人有公慎氏者妻

淫不制有慎潰氏奢侈踰法魯之鬻六畜者飾之以儲價及孔子

之為政也則沈猶氏不敢朝飲其羊公慎氏出其妻慎潰氏越境

而徙三月則鬻牛馬者不儲價賣羊豚者不加飾男女行者別其

塗道不拾遺男尚忠信女尚貞順四方客至於邑不求有司。有司常供

其職客不求而有司存焉皆如歸焉。言如歸家無所之也

魯之政也。仲由問曰。由聞君子禍至不懼。福至不喜。今夫子得位而喜。何也。孔子曰。然。有是言也。不曰樂以貴下人乎。於是朝政七日。而誅亂政大夫少正卯。戮之于兩觀之下。兩觀。闕各尸於朝三日。子貢進曰。夫少正卯魯之聞人也。今夫子爲政而始誅之。或者爲失乎。孔子曰。居吾語汝以其故。天下有大惡者五。而竊盜不與焉。一曰心逆而險。二曰行僻而堅。三曰言僞而辯。四曰記醜而博。醜。謂非義。五曰順非而澤。此五者。有一於人。則不免君子之誅。而少正卯皆兼有之。其居處足以撮徒成黨。撮。聚。其談說

始誅第二

孔子爲魯司寇攝行相事。有喜色。仲由問曰。由聞君子禍至不懼。福至不喜。今夫子得位而喜。何也。孔子曰。然。有是言也。不曰樂以貴下人乎。於是朝政七日。而誅亂政大夫少正卯。戮之于兩觀之下。兩觀。闕各尸於朝三日。子貢進曰。夫少正卯魯之聞人也。今夫子爲政而始誅之。或者爲失乎。孔子曰。居吾語汝以其故。天下有大惡者五。而竊盜不與焉。一曰心逆而險。二曰行僻而堅。三曰言僞而辯。四曰記醜而博。醜。謂非義。五曰順非而澤。此五者。有一於人。則不免君子之誅。而少正卯皆兼有之。其居處足以撮徒成黨。撮。聚。其談說

何本荀子皆作付里乙

徑部禮及

正當作止

足以飾褒榮眾其強禦足以反是獨立此乃人之姦雄者也不可以不除夫殷湯誅尹諧文王誅潘正周公誅管蔡太公誅華士士為人虛偽亦聚黨也而韓非謂華士耕而後食鑿井而飲信其如此而太公誅之豈所以謂太公者哉管仲誅付乙子產誅史何是此七子皆異世而同誅者以七子異世而同惡故不可赦也詩云憂心悄悄慍于羣小小人成羣斯足憂矣孔子為魯大司寇有父子訟者夫子同徑執之徑獄也三月不別其父請正夫子赦之焉季孫聞之不悅曰司寇欺余曩告余曰國家必先以孝余今戮一不孝以教民孝不亦可乎而又赦何哉冉有以告孔子子喟然歎曰嗚呼上失其道而殺其下非理也不教以

孝而聽其獄是殺不辜三軍大敗不可斬也獄犴不治不可刑也何者上教之不行罪不在民故也夫慢令謹誅賊也徵斂無時暴也不試責成虐也政無此三者然後刑可即也書云義刑義殺勿庸以即汝心惟曰未有慎事言必教而後刑也庸用也即就也刑以就汝心之所安當謹之自謂未有順事且陳道德以服之無刑殺而後為順是先教而後刑也既陳道德以先服之而猶不可尚賢以勸之又不可即廢之又不可而後以威憚之若是三年而百姓正矣其有邪民不從化者然後待之以刑則民咸知罪矣詩云天子是毗俾民不迷毗輔也俾使也言師尹是當毗輔天子使民不迷是以威厲而不試刑錯而不用今世則不然亂其教繁其刑使民迷

惑而陷焉。又從而制之。故刑彌繁。而盜不勝也。夫三尺之限。空車不能登者。何哉。峻故也。百仞之山。重載陟焉。何哉。陵遲故也。池也。今世俗之陵遲久矣。雖有刑法。民能勿踰乎。

王言解第三

孔子閒居。曾參侍。孔子曰。參乎。今之君子。唯士與大夫之言可聞也。至於君子之言者。希也。於乎。吾以王言之。其不出戶牖而化天下。曾子起。下席而對曰。敢問何謂王之言。孔子不應。曾子曰。侍夫子之閒也。難對。是以敢問。孔子又不應。曾子肅然而懼。握衣而退。負席而立。有頃。孔子歎息。顧謂曾子曰。參。汝可語明王之道與。曾子曰。非敢以爲足也。請因所聞而學焉。子曰。居。吾語汝。夫道者。所以明德也。德者。所以尊道也。是以非德。道不尊。非道德。不明。雖有國之良馬。不以其道服乘之。不可以道里。雖有博地衆民。不以其

王言

握衣也

道治之。不可以致霸王。是故昔者明王內修七教。外行三至。七教修。然後可以守。三至行。然後可以征。明王之道。其守也。則必折衝千里之外。其征也。則必還師在席之上。故曰。內修七教。而上不勞。外行三至。而財不費。此之謂明王之道也。曾子曰。不勞不費之謂明王。可得聞乎。孔子曰。昔者帝舜。左禹而右皋陶。不下席而天下治。夫如此。何上之勞乎。政之不平。君之患也。令之不行。臣之罪也。若乃十一而稅。用民之力。歲不過三日。入山澤以其時。而無征關譏。市鄽皆不收賦。譏。呵也。譏。異服。識異言。及市。鄽。皆不賦。稅。古之法也。此則生財之路。而明王

之何財之費乎。曾子曰。敢問何謂七教。孔子曰。上敬老。則下益

孝。上尊齒。則下益悌。上樂施。則下益寬。上親賢。則下擇友。上好德。則下不隱。上惡貪。則下耻爭。上廉讓。則下耻節。此之謂七教。七教者。治民之本也。政教定。則本正也。凡上者。民之表也。表正。則何物不正是。故人君先立仁於己。然後大夫忠而士信。民敦俗璞。璞。慈願貌。男慤而女貞。六者。教之致也。布諸天下。四方而不怨。納諸尋常之室。而不塞。等之以禮。立之以義。行之以順。則民之棄惡。如湯之灌雪焉。曾子曰。道則至矣。弟子不足以明之。孔子曰。參。以為姑止乎。又有焉。昔者明王之治民也。法必裂地以封之。分屬以理之。然後賢民無所隱。暴民無所伏。使有司日省而時考之。進用賢良。退貶

不肖然則賢者悅而不肖者懼哀鰥寡養孤獨恤貧窮誘孝悌選
才能此七者修則四海之內無刑民矣上之親下也如手足之於
腹心下之親上也如幼子之於慈母矣上下相親如此故令則從
施則行民懷其德近者悅服遠者來附政之致也夫布指知寸布
手知尺舒肘知尋斯不遠之則也周制三百步爲里千步爲井三
井而埒埒三而矩此說里數不可以言井五十里而都封百里而
有國乃爲稽積資求焉恤行者有亡是以蠻夷諸夏雖衣冠不同
言語不合莫不來賓故曰無市而民不乏無刑而民不亂田獵罽
弋罽弋非以盈宮室也徵斂百姓非以盈府庫也慘怛以補不

足禮節以損有餘多信而寡貌其禮可守其言可復其迹可履如
飢而食如渴而飲民之信之如寒暑之必驗故視遠若邇非道邇
也見明德也是故兵革不動而威用利不施而親萬民懷其惠此
之謂明王之守折衝千里之外者也曾子曰敢問何謂三至孔子
曰至禮不讓而天下治至賞不費而天下士悅至樂無聲而天下
民和明王篤行三至故天下之君可得而知天下之士可得而臣
天下之民可得而用曾子曰敢問此義何謂孔子曰古者明王必
盡知天下良士之名既知其名又知其實又知其數及其所在焉
然後因天下之爵以尊之此之謂至禮不讓而天下治因天下之

家言 卷一 示懷堂
祿以富天下之士。此之謂至賞不費而天下之士悅。如此則天下之民名譽興焉。此之謂至樂無聲而天下之民和。故曰所謂天下之至仁者能合天下之至親也。所謂天下之至明者能舉天下之至賢者也。此三者咸通然後可以征是故。仁者莫大乎愛人。智者莫大乎知賢。賢政者莫大乎官能。有土之君修此三者則四海之內供命而已矣。夫明王之所征必道之所廢者也是故誅其君而改其政弔其民而不奪其財。故明王之政猶時雨之降。降至則民悅矣。是故行施彌博得親彌衆。此之謂還師在席之上。言安安而無憂

大婚解第四

孔子侍坐於哀公。公問曰敢問人道孰爲大。孔子愀然作色而對曰君及此言也。百姓之惠也。固臣敢無辭而對。人道政爲大夫政者正也。君爲正則百姓從而正矣。君之所爲百姓之所從。君不爲正百姓何所從乎。公曰敢問爲政如之何。孔子對曰夫婦別男女親君臣信三者正則庶物從之。公曰寡人雖無能也願知所以行三者之道可得聞乎。孔子對曰古之政愛人爲大所以治愛人禮爲大所以治禮敬爲大敬之至矣。大婚爲大大婚至矣。冕而親迎親迎者敬之也是故君子與敬爲親捨敬則是遺親也。弗親弗敬

弗尊也愛與敬其政之本與公曰寡人願有言也然冕而親迎不
已重乎孔子愀然作色而對曰合二姓之好以繼先聖之後以為
天下宗廟社稷之主君何謂已重焉魯周公之後得郊天故公曰
寡人實固固不固安得聞此言乎寡人欲聞不能為辭請少進
子曰天地不合萬物不生大婚萬世之嗣也君何謂已重焉孔子
遂言曰內以治宗廟之禮足以配天地之神言宗廟天地神之神之次出以治
言之禮以立上下之敬夫婦正則始可以治正言禮矣身正然可以正人者也物耻則足以
振之耻事不知禮足以振救之國耻足以興之耻國不知足故為政先乎禮禮
其政之本與孔子遂言曰昔三代明王必敬妻子也蓋有道焉

也者親之主也子也者親之後也敢不敬與是故君子無不敬
也者敬身為大身也者親之支也敢不敬與不敬其身是傷其親
傷其親是傷本也傷其本則支從之而亡三者百姓之象也言百姓
所法而行身以及身子以及子妃以及妃君以修此三者則大化愾乎
天下矣氣昔太王之道也太王出亦姜女入亦姜女國無鯀民愛其身以及人之身愛其子以及人之子
故曰太王之道如此國家順矣公曰敢問何謂敬身孔子對曰君子過言
則民作辭過行則民作則言不過辭動不過則百姓恭敬以從命
若是則可謂能敬其身則能成其親矣公曰何謂成其親孔子對
曰君子者也人之成名也百姓與名謂之君子則是成其親為君

而為其子也。孔子遂言曰：愛政而不能愛人，則不能成其身；不能成其身，則不能安其土；不能安其土，則不能樂天。人道也公曰：敢問何能成身？孔子對曰：夫其行已不過乎物，謂之成身。不過乎合天道也。公曰：君子何貴乎天道也？孔子曰：貴其不已也。如日月東西相從而不已也，是天道也。不閉而能久，不閉常通而能久，言無極也是天道也。無為而物成，是天道也。已成而明之，是天道也。公曰：寡人且愚冥，言蠢愚冥暗也幸煩子之於心。欲煩孔子議識其心所能行也孔子蹴然避席而對曰：仁人不過乎物，孝子不過乎親，是故仁人之事親也如事天，事天如事親，此謂孝子成身。公曰：寡人既聞如此言，無如後罪何？孔子對曰：

君子及此言，是臣之福也。

孔子在衛冉求言於季孫曰國有聖人而不能求欲以求治是猶

儒行解第五

孔子在衛冉求言於季孫曰國有聖人而不能求欲以求治是猶却步而欲求及前人不可得已今孔子在衛衛將用之已有才而以資鄰國難以言智也請以重幣迎之季孫以告哀公公從之孔子既至舍哀公館焉執孔子舍公自阼階孔子賓階升堂立侍公曰夫子之服其儒服與孔子對曰丘少居魯衣逢掖之衣深衣之褒大也長居宋冠章甫之冠丘聞之君子之學也博其服以鄉隨其鄉也丘未知其為儒服也公曰敢問儒行孔子曰略言之則不能終其物悉數之則留僕未可以對留久也僕太僕君燕朝則正位掌饋相更衣之為久將倦使之相代者也哀公命席

孔子侍坐曰。儒有席上之珍以待聘。席上之珍。能敷陳先王之道。以為政治。夙夜強學以待問。懷忠信以待舉。力待取。力行仁義。道德以待人取。其自立有如此者。儒有衣冠中。動作順。其大讓如慢。慢。簡略也。小讓如偽。大則如威。小則如媿。難進而易退。粥粥若無能也。其容貌有如此者。儒有居處齊難。齊。其可畏難也。其起坐恭敬。言必誠信。行必中正。道塗不爭險易之利。冬夏不爭陰陽之和。愛其死以有待也。養其身以有為也。其備預有如此者。儒有不寶金玉。而忠信以為寶。不祈土地。而仁義以為土地。不求多積多文。以為富。難得而易祿也。易祿而難畜也。非時不見。不亦難得乎。非義不合。不亦難畜乎。先勞而後祿。不亦

禮儒行其飲食不滯
註恣滋味為滯
之言欲也疏言欲
食尚實不滯宜也

易祿乎。其近人情有如此者。儒有委之以財貨。而不貪。淹之以樂好。而不淫。劫之以衆。而不懼。阻之以兵。而不懾。阻。難也。以兵為之難。見利不虧其義。見死不更其守。往者不悔。來者不豫。過言不再。不再。過言。流言不極。流言。相毀也。不斷其威。常嚴莊也。不習其謀。不豫習其謀慮。其特立有如此者。儒有可親而不可劫。可近而不可迫。可殺而不可辱。其居處不過。其飲食不滯。其過失可微辯。而不可面數也。其剛毅有如此者。儒有忠信以為甲冑。禮義以為干櫓。干。楯也。櫓。大戟也。戴仁而行。抱德而處。雖有暴政。不更其所。其自立有如此者。儒有一畝之宮。環堵之室。方丈曰堵。一堵。言其小者也。葺門圭竇。葺。穿也。圭。穿牆為之。如圭也。蓬戶甕牖。以編蓬為戶。破

甕為易衣而出更相易衣而後可以出并日而食并一日之糧以為一食也上答之不敢

以疑君用之不敢疑貳事君也上不答之不敢以諂其為士有如此者儒有今

人以居古人以替格同今世行之後世以為楷法也若不逢世上所不

受下所不推詭諂之民有比黨而危之身可危也其志不可奪也

雖危起居猶竟信其志乃不忘百姓之病也起居猶動靜也竟終也言身雖危動靜猶

終身不忘百姓其憂思有如此者儒有博學而不窮篤行而不倦幽居而

不淫上通而不困禮必以和優游以法慕賢而容眾毀方而瓦合

去已之大圭角其寬裕有如此者儒有內稱不避親外舉不避怨

程功積事不求厚祿程猶効也言功效而已不求厚祿也推賢達能不望其報君得

其志民賴其德利國家不求富貴其舉賢援能有如此者儒有

澡身浴德常自潔淨其身沐浴於德行也陳言而伏陳言於君不望其報靜言而正之而上

下不知也默而翹之又不急為也言事君清靜因事而止之則君不知然而翹發之不急為所以

為不為不自沮不臨深而為高不加少而為多言不因勢位自矜莊世治不輕世亂不

沮不自沮同已不與異已不非其特立獨行有如此者儒有上不

臣天子下不事諸侯慎靜尚寬底厲廉隅強毅以與人博學以知

服雖以分國視之如錙銖視之輕如錙銖八兩為錙弗肯臣仕其規為有如此

者儒有合志同方營道同術竝立則樂相下不厭久別則謝流言

不信義同而進不同而退其交有如此者夫溫良者仁之本也慎

深沈也東觀漢記以手飲水深頰

沮止也過也壞也

華則教曰獲
胡郭及獲獲
田退失志之貌

天降其

敬者仁之地也。寬裕者仁之作也。作動遜接者仁之能也。禮節者仁之貌也。言談者仁之文也。歌樂者仁之和也。分散者仁之施也。儒皆兼此而有之。猶且不敢言仁也。其尊讓有如此者。儒有不隕獲於貧賤。隕獲憂悶不安之貌不充詘於富貴。充詘踊躍參擾之貌不溷君王。不累長上。不閔有司。故曰儒。溷辱閔疾言不為君長所辱病儒者中和之名今人之名儒也。妄常以儒相詬疾。詬辱哀公既得聞此言也。言加信。行加敬。曰終歿吾世。弗敢復以儒為戲矣。

問禮第六

哀公問於孔子曰。大禮何如。子之言禮何其尊也。孔子對曰。丘也鄙人。不足以知大禮也。公曰。吾子言焉。孔子曰。丘聞之。民之所以生者。禮為大。非禮則無以節事天地之神焉。非禮則無以辯君臣上下長幼之位焉。非禮則無以別男女父子兄弟婚姻親族踈數之交焉。是故君子此之為尊敬。然後以其所能教順百姓。不廢其會節。所能謂禮也。會謂男女之會。節謂親踈之節也既有成事。而後治其文章。黼黻以別尊卑。上下之等。其順之也。而後言其喪祭之紀。宗廟之序。品其犧牲。設其豕腊。修其歲時。以敬其祭祀。別其親踈。序其昭穆。而後宗

敬度謂卑卑
禮命之多少

祭統大祭不自昭穆
明穆者所以別
子遠近長幼親
踈之序而無
曾語明者左昭
次者為穆

一本作列也

族會醜。即安其居。以綴恩義。卑其宮室。節其服御。車不雕璣。器不彫鏤。食不二味。心不淫志。以與萬民同利。古之明王行禮也。如此。公曰。今之君子。胡莫之行也。孔子對曰。今之君子。好利無厭。淫行不倦。荒怠慢遊。固民是盡。以遂其心。以怨其政。忤其眾。以伐有道。求得當欲。不以其所。言苟求得當。其情欲而已。虐殺刑誅。不以其治。夫昔之用民者。由前。用上今之用民者。由後。用下是即今之君子。莫能為禮也。言偃問曰。夫子之極言禮也。可得而聞乎。孔子言。我欲觀夏是。故之杞。夏后封於杞也。而不足徵也。徵。成。吾得夏時焉。於四時之正。正。夏。敷。得天心。我欲觀殷道。是故之宋。殷后封宋。而不足徵也。吾得乾坤焉。乾。天。坤。地。得天地陰陽之書也。

禮運黃梓而為土。故註黃梓。謂梓木也。黃梓。謂梓木也。黃梓。謂梓木也。

乾坤之義。夏時之等。吾以此觀之。夫禮初也。始於飲食。太古之時。燔黍擘豚。古未有釜。醜。釋米。擘肉。加於燒石之上而食之。汗罇。杯飲。蕢桴。土鼓。罇。地。為。罇。以手飲之。也。猶可以致敬鬼神。神。饗。德。不。求。備。物。也。及其死也。升屋而號。告曰。高某。復然後飲。腥苴熟。始死。含。以。珠。貝。將。葬。苴。苴。以。遣。奠。以。送。之。形體則降。魂氣則上。是謂天望而地藏也。魂。氣。升。而。在。天。形。氣。藏。而。在。地。故生者南嚮。死者北首。皆從其初也。昔之王者。未有宮室。冬則居營窟。夏則居橧巢。掘。地。而。居。謂。之。營。窟。有。柴。謂。之。橧。在。樹。巢。日。未。有。火。化。食。草。木。之。實。鳥。獸。之。肉。飲。其。血。茹。其。毛。未。有。絲。麻。衣。其。羽。皮。後。聖。有。作。然後。修。火。之。利。範。金。治。金。為。器。用。刑。範。也。合土。合。和。以。作。瓦。物。以為宮室。戶牖。以炮。以燔。毛。曰。炮。加。火。曰。燔。也。以烹。以炙。煮。之。曰。烹。以。為。醴。酪。炮。之。曰。炙。

茹食也

醴醴酒
醴醴水也言醴醴在戶醴醴齊三日醴醴在堂醴醴齊澄酒在

醴醴酒
醴醴水也言醴醴在戶醴醴齊三日醴醴在堂醴醴齊澄酒在

醴醴酒
醴醴水也言醴醴在戶醴醴齊三日醴醴在堂醴醴齊澄酒在

醴醴酒。治其絲麻。以為布帛。以養生送死。以事鬼神。故玄酒在室。
尚古在略近。醴醴在戶。醴醴齊三日醴醴在堂醴醴齊澄酒在
下。澄清漏。陳其犧牲。備其鼎俎。列其琴瑟管磬鐘鼓。以降上神。神
神與其先祖。以正君臣。以篤父子。以睦兄弟。以齊上下。夫婦有所
是謂承天之祜。作其祝號。犧牲玉帛祝辭皆異為之號也玄酒以祭。薦其血毛。腥
其俎。熟其穀。言雖有所熟猶有所腥腥本不忘古也越席以坐。剪蒲席也疏布以幕。幕覆酒巾
也。質故衣其浣帛。練染以禮醴以獻薦其燔炙君與夫人交獻以
嘉魂魄。嘉善樂也然後退而合烹。合其烹熟之禮無復腥也體其犬豕牛羊。體解其牲體而
薦實其盥簋。受黍稷之器也籩豆銅羹。籩竹曰籩木曰豆羹所以盛羹也祝以孝告。祝通孝于語於

先祖以慈告。假傳先祖語於萃手是為大祥。祥此禮之大成也

祭語

禮

禮

禮

五儀解第七

哀公問於孔子曰。寡人欲論魯國之士。與之為治。敢問如何取之。
 孔子對曰。生今之世。志古之道。居今之俗。服古之服。舍此而為非
 者。不亦鮮乎。曰。然則章甫絢履。章甫冠也。絢履。履頭有鉤飾也。紳帶縉笏者。皆賢
 人也。紳。大帶。緝。播也。笏。所以執書。思對命。孔子曰。不必然也。丘之所言。非此之謂也。
 夫端衣玄裳。冕而乘軒者。則志不在於食。煮。端衣玄裳。齊服也。軒。軒車。煮。辛菜也。斬
 衰管菲。杖而歛粥者。則志不在於酒肉。生今之世。志古之道。居今
 之俗。服古之服。謂此類也。公曰。善哉。盡此而已乎。孔子曰。人有五
 儀。有庸人。有士人。有君子。有賢人。有聖人。審此五者。則治道畢矣。

家語 卷一 五儀解 七

公曰敢問何如斯可謂之庸人孔子曰所謂庸人者心不存慎終之規口不吐訓格之言格法不擇賢以托其身不力行以自定見小闇大而不知所務從物如流不知其所執此則庸人也公曰何謂士人孔子曰所謂士人者心有所定計有所守雖不能盡道術之本必有率也率猶行也雖不能備百善之美必有處也是故知不務多必審其所知言不務多必審其所謂所務者謂言之要也行不務多必審其所由智既知之言既道之得其要也行既由之則若性命之形骸之不可易也富貴不足以益貧賤不足以損此則士人也公曰何謂君子孔子曰所謂君子者言必忠信而心不怨怨答仁義在身而色無

伐無伐善之也思慮通明而辭不專篤行信道自強不息油然若將可

越而終不可及者此則君子也油然不進之貌也越過也公曰何謂賢人孔子

曰所謂賢人者德不踰閑閑法行中規繩言足以法於天下而不傷

於身言滿天下無口過也道足以化於百姓而不傷於本本亦身富則天下無

死財死積也古字亦或作此故或誤不着草矣施則天下不病貧此則賢者也公曰何

謂聖人孔子曰所謂聖人者德合於天地變通無方窮萬事之終

始協庶品之自然敷其大道而遂成情性明竝日月化行若神下

民不知其德觀者不識其鄰鄰以喻界畔也此謂聖人也公曰善哉非子

之賢則寡人不得聞此言也雖然寡人生於深宮之內長於婦人

家語 卷一 五儀解 七 承襲堂

之手。未嘗知哀。未嘗知憂。未嘗知勞。未嘗知懼。未嘗知危。恐不足
以行五儀之教。若何。孔子對曰。如君之言。已知之矣。則丘亦無所
聞焉。君如此言。已為知之。故無所復言。謙以誘進哀公矣。公曰。非吾子。寡人無以啓其心。吾
子言也。孔子曰。君子入廟如右。登自阼階。仰視榱桷。俯察几筵。其
器皆存。而不覩其人。君以此思哀。則哀可知矣。昧爽。夙興。正其衣
冠。夙。明也。昧。明始也。夙。明也。夙。早興起也。平旦視朝。慮其危難。一物失理。亂亡之端。君以
此思憂。則憂可知矣。日出聽政。至於中冥。冥。日中。冥。日中。諸侯子孫往水
為賓。行禮揖讓。慎其威儀。君以此思勞。則勞亦可知矣。緬然長思
出於四門。周章遠望。覩亡國之墟。必將有數焉。言亡國故墟。非但一君以此

思懼。則懼可知矣。夫君者。舟也。庶人者。水也。水所以載舟。亦所以
覆舟。君以此思危。則危可知矣。君既明此五者。又少留意於五儀
之事。則於政治何有失矣。

哀公問於孔子曰。請問取人之法。孔子對曰。事任於官。言各當以


事任於官。無取捷捷。無取鉗鉗。不謹誠。無取啍啍。多言。捷捷。貪也。捷

而不已。食所鉗鉗。亂也。啍啍。誕也。詐也。故弓調而後求勁焉。馬服

而後求良焉。士必慤而後求智能者焉。不慤而多能。譬之豺狼。不

可適。言人無智者。雖性慤信。不能為大。惡不慤信。而有智。然後乃可畏也。

哀公問於孔子曰。寡人欲吾國小而能守。大則攻。其道如何。孔子



對曰使君朝廷有禮上下相親天下百姓皆君之民將誰攻之苟違此道民畔如歸皆君之讎也將與誰守公曰善哉於是廢山澤之禁弛關市之稅以惠百姓

哀公問於孔子曰吾聞君子不博有之乎孔子曰有之公曰何爲

對曰爲其二乘公曰有二乘則何爲不博子曰爲其兼行惡道也

此具博三十六道也哀公懼焉有間復問曰若是乎君子惡惡道至甚也孔

子曰君子之惡惡道不甚則好善道亦不甚好善道不甚則百姓之親上亦不甚詩云未見君子憂心愒愒亦既見止亦既覯止我心則悅詩之好善道甚也如此公曰美哉夫君子成人之善不戚

人之惡微吾子言焉吾弗之聞也

哀公問於孔子曰夫國家之存亡禍福信有天命非唯人也孔子對曰存亡禍福皆已而已天災地妖不能加也公曰善吾子之言

豈有其事乎孔子曰昔者殷王帝辛之世紂有雀生大鳥於城隅

焉占之曰凡以小生大則國家必王而名必昌於是帝辛介雀之

德介助也以雀之德爲助也不修國政亢暴無極朝臣莫救外寇乃至殷國以

亡此卽以已逆天時詭福反爲禍者也又其先世殷王太戊之時

道缺法圯以致妖孽桑穀于朝七日大拱占之者曰桑穀野木而

不合生朝意者國亡乎太戊恐駭側身修行思先王之政明養民

之道三年之後遠方慕義重譯至者十有六國此卽以已逆天時
得禍爲福者也故天災地妖所以儆人主者也寤夢徵怪所以儆
人臣者也儆災妖不勝善政寤夢不勝善行能知此者至治之極
也唯明王達此公曰寡人不鄙固此亦不得聞君子之教也

哀公問於孔子曰智者壽乎仁者壽乎孔子對曰然人有三死而
非其命也行已自取也夫寢處不時飲食不節逸勞過度者疾共
殺之居下位而上干其君嗜慾無厭而求不止者刑共殺之以少
犯衆以弱侮強忿怒不類動不量力者兵共殺之此三者死非命
也人自取之若夫智士仁人將身有節將動靜以義喜怒以時無

害其性雖得壽焉不亦可乎

孔子家語卷一終

家語

卷一 五儀解

三

家語卷一

曰賜願使齊楚合戰於澠澠之野。澠澠廣之野大之類兩壘相望塵埃相接挺
刃交兵賜著縞衣白冠。兵凶事故也陳說其間推論利害釋國之患
唯賜能之使夫二子者從我焉。夫子曰辯哉。顏回退而不對。孔子
曰回來汝奚得無顏乎。顏回對曰文武之事則二子者既言之矣
回何云焉。孔子曰雖然各言爾志也。小子言之對曰回聞薰蕕不
同器而藏。薰香蕕臭堯桀不共國而治以其類異也。回願得明王聖主
輔相之敷其五教。敷布也五教父義母慈兄弟孝也導之以禮樂使民城郭不
溝池不越。言無喻鑄劍戟以為農器放牛馬於原藪。廣平曰原澤無水曰
也室家無離曠之思千歲無戰鬪之患則由無所施其勇而賜無

所用其辯矣。夫子凜然曰美哉德也。子路抗手而對曰夫子何選
焉。孔子曰不傷財不害民不繁詞則顏氏之子有矣。
魯有儉嗇者瓦鬲煮食。瓦釜食之自謂其美盛之土型之器。瓦以進
孔子孔子受之歡然而悅如受大牢之饋。牛羊豕子路曰瓦甌陋
器也煮食薄膳也夫子何喜之如此乎。子曰夫好諫者思其君食
美者念其親吾非以饌具之為厚以其食厚而我思焉。
孔子之楚而有漁者而獻魚焉孔子不受。漁者曰天暑市遠無所
鬻也思慮棄之糞壤不如獻之君子。故敢以進焉。於是夫子再拜
受之使弟子掃地將以享祭。門人曰彼將棄之而夫子以祭之何

德有壯熟也人謂
年也

也。孔子曰：吾聞諸惜其腐餘而欲以務施者，仁人之偶也。惡有受
仁人之饋而無祭者乎？

季羔為衛之士師。獄官，則人之足。俄而衛有蒯賸之亂。初衛靈公太
子蒯賸得罪

出奔晉靈公卒立其子輒蒯賸自
晉襲衛時子羔子路並仕於衛也季羔逃之。走郭門，則者守門焉。

謂季羔曰：彼有缺。季羔曰：君子不踰。又曰：彼有竇。季羔曰：君子不

墜。遂從
竇出又曰：於此有室。季羔乃入焉。既而追者罷。季羔將去，謂則

者：吾不能虧主之法，而親則子之足矣。今吾在難，此正子之報怨

之時，而逃我者，三何故哉？則者曰：斷足固我之罪，無可奈何。曩者

君治臣以法令，先人後臣，欲臣之免也。臣知獄決罪定，臨當論刑。

君愀然不樂，見君顏色，臣又知之。君豈私臣哉？天生君子，其道固

然。此臣之所以悅君也。孔子聞之，曰：善哉！為吏其用法一也。思仁

恕，則樹德；加嚴暴，則樹怨。公以行之，其于羔乎？

孔子曰：季孫之賜我粟千鍾也，而交益親。得季孫千鍾之粟，以
施與眾而交益親自

南宮敬叔之乘我車也，而道加行。孔子欲見老聃，而西觀周敬叔
言於魯君，給孔子車馬，問禮於

老子，孔子歷觀郊廟，自周
而還，弟子四方來習也故道雖貴，必有時而後重，有勢而後行。

微夫二子之貺財，則丘之道殆將廢矣。

孔子曰：王者有似乎春秋。止其本而
萬物皆正文王以王季為父，以太任為

母，以太姒為妃，以武王周公為子，以太顛閔天為臣，其本美矣。武

家語

卷二 致思

三

承襲

漿水米十相將
也入辨四飲之物
三日漿

王正其身以正其國。正其國以正天下。伐無道。刑有罪。一動而天下正其事。成矣。春秋致其時。而萬物皆及。王者致其道。而萬民皆治。周公載已行化。載亦行矣。言行已以行。化其身正。不令而行也。而天下順之。其誠至矣。曾子曰：入是國也。言信於羣臣。而留可也。行忠於卿大夫。則仕可也。澤施於百姓。則富可也。孔子曰：參之言。此可謂善安身矣。子路為蒲宰。為水備。與其民修溝瀆。以民之勞煩苦也。人與之一簞食。簞。一壺漿。孔子聞之。使子貢止之。子路忿不悅。往見孔子曰：由也。以暴雨將至。恐有水災。故與民修溝瀆。以備之。而民多匱餓者。是以簞食壺漿而與之。夫子使賜止之。是夫子止由之行仁也。

夫子以仁教而禁其行。由不受也。孔子曰：汝以民為餓也。何不白於君。發倉廩以賑之。而私以爾食饋之。是汝明君之無惠。而見己之德美矣。汝速已。則可不則汝之見罪必矣。

子路問於孔子曰：管仲之為人。何如。子曰：仁也。得仁道也。子路曰：昔管仲說襄公。公不受。是不辯也。欲立公子糾。而不能。是不智也。齊襄

常。鮑叔牙曰：君使民慢亂。將作矣。奉公子小白。出奔莒。公孫無知殺襄公。管夷吾召忽奉公子糾。奔魯。齊人殺無知。魯伐齊。納子糾。小白自莒先入。是為桓公。公乃殺子糾。召忽死之也。家殘於齊。而無憂色。是不慈也。桎梏而居檻車。無慙心。是無醜也。言無恥惡之心。事所射之君。是不貞也。召忽死之。管仲不死。是不忠也。仁入之道。固若是乎。孔子曰：管仲說襄公。

襄公不受公之闇也。欲立子糾而不能，不遇時也。家殘於齊而無憂色，是知權命也。挫楛而無慙心，自裁審也。事所射之君，通於變也。不死子糾，量輕重也。夫子糾未成君，管仲未成臣，管仲之度義也。管仲不死，束縛而立功名，未可非也。召忽雖死，過於取仁，未足多也。

孔子適齊，中路聞哭者之聲，其音甚哀。孔子謂其僕曰：「此哭哀則哀矣，然非喪者之哀矣。」驅而前，少進，見有異人焉。擁鑣帶索，哭者不哀。孔子下車，追而問曰：「子何人也？」對曰：「吾丘吾子也。」曰：「子今非喪之所，奚哭之悲也？」丘吾子曰：「吾有三失，晚而自覺，悔之何及！」

三失可得聞乎？願子告吾，無隱也。丘吾子曰：「吾少時好學，周遍天下，後還喪吾親，是一失也。長事齊君，君驕奢，失士臣節，不遂，是二失也。吾平生厚交，而今皆離絕，是三失也。夫樹欲靜而風不停，子欲養而親不待，往而不來者，年也不可再見者，親也。請從此辭。」遂投水而死。孔子曰：「小子識之，斯足為戒矣。」自是弟子辭歸養親者十有三。

孔子謂伯魚曰：「鯉乎，吾聞可以與人終日不倦者，其唯學焉。其容體不足觀也，其勇力不足憚也，其先祖不足稱也，其族姓不足道也，終而有大名，以顯聞四方，流聲後裔者，豈非學之效也？」故君子

不可以不學。其容不可以不飭。不飭無類。無類失親。類宜為貌。不在飭故無貌。

不得言不飭無類也。禮貌矜莊然。後親愛可久。故曰無類失親也。失親不忠。情不相親。則無忠誠。不忠失禮。

禮以忠信為本。失禮不立。非禮則無以立。夫遠而有光者。飭也。近而愈明者。學也。

譬之汙池。水潦注焉。藿葦生焉。雖或以觀之。孰知其源乎。源泉源也。水潦

注於池而生藿葦。觀者誰知其非源泉乎。以言學雖從外入。及其用之。人誰知其非從此出也乎。

子路見於孔子曰。負重涉遠。不擇地而休。家貧親老。不擇祿而仕。

昔者由也。事二親之時。常食藜藿之實。為親負米百里之外。親歿

之後。南遊於楚。從車百乘。積粟萬鍾。累茵而坐。列鼎而食。願欲食

藜藿為親負米。不可復得也。枯魚銜索。幾何不蠹。二親之壽。忽若

一本作陳也

過隙。孔子曰。由也事親。可謂生事盡力。死事盡思者也。

孔子之鄉。鄉國名也。少昊之後。魯之鄉縣也。鄉子達禮。孔子故往諮問焉。遭程子於塗。傾蓋而語。

傾蓋。蓋車也。終日甚相親。謂子路曰。取束帛以贈先生。子路屑然對

曰。由聞之。士不中間見。交嫁無媒。君子不以交禮也。中間謂有間

又顧謂子路。子路又對如初。孔子曰。由詩不云乎。有美一人。清揚

婉兮。邂逅相遇。適我願兮。清揚。眉目之間也。宛然。幽期而會。合願也。今程子天下賢

士也。於斯不贈。則終身弗能見也。小子行之。

孔子自衛反魯。息駕于河梁而觀焉。河水無梁。莊周書說孔子於河梁言事者。通渭水為河也。

有懸水三十仞。八尺曰仞。懸。二。圓流九十里。水湫急則然。魚鱉不

可涉。致思。六。承襲堂

措著也

未從作也

能道鼃鼃不能居行道有一丈夫方將厲之度厲孔子使人並涯止之曰此懸水三十仞圍流九十里魚鼃鼃不能居也意者難可濟也丈夫不以措意遂度而出孔子問之曰子乎有道術乎所以能入而出者何也丈夫對曰始吾之入也先以忠信及吾之出也又從以忠信忘信措吾軀於波流而吾不敢以用私所以能入而復出也孔子謂弟子曰二三子識之水且猶可以忠信成身親之而况於人乎

孔子將行雨而無蓋門人曰商也有之子夏名也孔子曰商之爲人也甚恡於財恡音甚也吾聞與人交推其長者違其短者故能久也

楚王渡江江中有物大如斗圓而赤直觸王舟舟人取之王大怪之遍問羣臣莫之能識王使使聘于魯問於孔子子曰此所謂萍實者也萍水草也可剖而食之吉祥也唯霸者爲能獲焉使者反王遂食之大美久之使來以告魯大夫大夫因子游問曰夫子何以知其然乎曰吾昔之鄭過乎陳之野聞童謠曰楚王渡江得萍實大如斗赤如日剖而食之甜如蜜此是楚王之應也吾是以知之子貢問於孔子曰死者有知乎將無知乎子曰吾欲言死之有知將恐孝子順孫妨生以送死吾欲言死之無知將恐不孝之子棄其親而不葬賜欲知死者有知與無知非今之急後自知之

子貢問治民於孔子。子曰：「懔懔焉若持腐索之扞馬。」懔懔，戒懼之貌。扞，馬突馬。子貢曰：「何其畏也？」孔子曰：「夫通達御，皆人也。以道導之，則吾畜也。不以道導之，則吾讎也。如之何其無畏也？」

魯國之法，贖人臣妾于諸侯者，皆取金於府。子貢贖之，辭而不取金。孔子聞之，曰：「賜失之矣。夫聖人之舉事也，可以移風易俗而教導，可以施之於百姓，非獨適身之行也。今魯國富者寡而貧者衆，贖人受金，則爲不廉，則何以相贖乎？自今以後，魯人不復贖人於諸侯。」

子路治蒲，請見於孔子。子曰：「由願受教於夫子。」子曰：「蒲其何如？」對曰：「邑多壯士，又難治也。子曰：「然，吾語爾。恭而敬，可以攝勇；寬而正，可以懷強；愛而恕，可以容困。」言愛恕者，能容困窮。溫而斷，可以抑姦。如此而加之，則正不難矣。」

之即五不報矣
以難施愛而致可以容國
以難施愛而致可以容國
以難施愛而致可以容國
以難施愛而致可以容國
以難施愛而致可以容國
以難施愛而致可以容國
以難施愛而致可以容國
以難施愛而致可以容國
以難施愛而致可以容國
以難施愛而致可以容國

三恕第九

孔子曰君子有三恕有君不能事有臣而求其使非恕也有親不能孝有子而求其報非恕也有兄不能敬有弟而求其順非恕也士能明於三恕之本則可謂端身矣

孔子曰君子有三思不可不察也少而不學長無能也老而不教死莫之思也有而不施窮莫之救也故君子少思其長則務學老思其死則務教有思其窮則務施

伯常騫問於孔子曰騫固周國之賤吏也不自以不肖將北面以事君子敢問正道宜行不容於世正道宜行而世莫之能貴故行之則不容於世隱道宜

史記樂書對
今通作剛
對疑剛歟

行然亦不忍。世亂則隱道為行，然亦不忍為隱。今欲身亦不窮，道亦不隱，為之有

道乎？孔子曰：善哉！子之問也。自丘之聞，未有若吾子所問，辯且說

也。當其理，得其說矣。丘嘗聞君子之言道矣，聽者無察，則道不入。言聽者不明察

道則不能入也。奇偉不稽，則道不信。稽考也。聽道者不能考校奇偉，則道不見信。此言苟非其人，道不虛行。

又嘗聞君子之言事矣，制無度量，則事不成；其政曉察，則民不保。

保安也。政太曉了，分察則民不安矣。又嘗聞君子之言志矣，對折者不終。對則折矣，不終其性

矣。徑易者則數傷。徑，輕也。志輕則數傷於義矣。浩倨者則不親。浩倨，簡略不恭。如是則不親矣。

就利者則無不弊。言好利者不可久也。又嘗聞養世之君子矣，從輕勿為先。

從重勿為後。赴憂患從勞苦，輕者宜為後，重者宜為先，養世者也。見像而勿強。像法也。見法而已，不以強

世也。陳道而勿怫。怫，詭也。陳道而已，不與世相詭違也。此四者，丘之所聞也。

孔子觀於魯桓公之廟，有欹器焉。欹，傾也。夫子問於守廟者曰：此謂何

器？對曰：此蓋為宥坐之器。孔子曰：吾聞宥坐之器，虛則欹，中則正，

滿則覆。明君以為至誠，故常置之於坐側。顧謂弟子曰：試注水焉。

乃注之水中，則正；滿則覆。夫子喟然歎曰：嗚呼！夫物惡有滿而不

覆哉？子路進曰：敢問持滿有道乎？子曰：聰明睿智，守之以愚；功被

天下，守之以讓；勇力振世，守之以怯；富有四海，守之以謙。此所謂

損之又損之道也。

孔子觀於東流之水，子貢問曰：君子所見大水必觀焉，何也？孔子

欹於宜反音獨

短之直者為侶

概乎也

對曰以其不息且適與諸生而不為也夫水似乎德通與諸生者而又不能其流也則卑下倨邑必修其理似義浩浩乎無屈盡之期此似道流行赴百仞之溪而不懼此似勇至量必平之此似法盛而不求概此似正綽約微達此似察發源必東此似志以出以入萬物就以化絜此似善化也水之德有若此是故君子見必觀焉

子貢觀於魯廟之北堂出而問於孔子曰向也賜觀於太廟之堂未既輟還瞻北蓋皆斷焉輟止觀北面之蓋斷絕也彼將有說耶匠過之也孔子曰大廟之堂官致良工之匠匠致良材盡其功巧蓋貴久矣尚

有說也尚微必也言必有說

孔子曰吾有所恥有所殆夫功而不能強學老而無以教吾恥之去其鄉事君而遠卒遇故人曾無舊言吾鄙之事君而達得志於君

而見故人曾無舊言是棄其平生之舊交而無進之之心者乎與小人處而不能親賢吾殆也殆也夫疎賢而近小人是危亡之道也

子路見於孔子孔子曰智者若何仁者若何子路對曰智者使人知己仁者使人愛己子曰可謂士矣子路出子貢入問亦如之貢對曰智者知人仁者愛人子曰可謂士矣子貢出顏回入問亦如之對曰智者自知仁者自愛子曰可謂士君子矣

魯哀公問於孔子曰子從父命孝乎臣從君命貞乎三問孔子不
對孔子趨出以語子貢曰鄉者君問丘曰子從父命孝乎臣從君
命貞乎三問而丘不對賜以為何如子貢曰子從父命孝臣從君
命貞矣奚疑焉孔子曰鄙哉賜汝不識也昔者明王萬乘之國有
爭臣七人則主無過舉天子有三公四輔主諫爭以救其過失也四輔前曰疑後曰丞左曰輔右曰弼也
千乘之國有爭臣五人則社稷不危諸侯有三卿股肱之臣有百
乘之家有爭臣三人大夫之臣有室老家相邑宰凡三人能以義諫誨則祿位不替父有
爭子不陷無禮士有爭友不行不義士雖有臣既微且陋不能以於已然後不義之事不得行之者也故子從父命奚詎為孝臣從君命奚詎為貞矣

能審其所從當詳審所宜從與不之謂孝之謂貞矣

子路盛服見於孔子孔子曰由是倨倨者何也夫江始出於岷山
源可以濫觴觴可以盛酒言其微及其至于江津不舫舟不避風則不可以
涉非唯下流水多耶今爾衣服既盛顏色充盈天下且孰肯以非
告汝乎子路趨而出改服而入蓋自若也子曰由志之吾告汝奮
於言者華自矜奮於言者華而無實奮於行者伐自矜奮行者是自伐夫色智而有能者
小人也故君子知之曰知言之要也不能曰不能行之至也言要
則智行至則仁既仁且智惡不足哉

子路問於孔子曰有人於此披褐而懷玉何如褐毛布衣子曰國無道

隱之可也。國有道則袞冕而執玉。

袞冕文衣盛飾

公曰：子欲黜而出也，則人益自苦也。子曰：由志之，吾苦亦苦。

昔我乎，子欲黜而出也，則人益自苦也。子曰：由志之，吾苦亦苦。

悲非罪，可求也。今爾亦則，有盜賊，曾衣盛天，可且瘠，實以非。

然，何以盜賊？言其端及其至于此，則不換，非不換，風也。不可及。

子欲黜，則良也。子曰：由是，則可也。夫政故出於地，則山。

漸，審其祖，宜與不之，宜與不之，宜與不之。

好生第十

魯哀公問於孔子曰：昔者舜冠何冠乎？孔子不對。公曰：寡人有問。

於子，而子無言，何也？對曰：以君之問，不先其大者，故方思所以為。

對公曰：其大何乎？孔子曰：舜之為君也，其政好生而惡殺，其任授。

賢而替不肖，德若天地而靜虛，化若四時而變物，是以四海承風。

暢於異類，異類，四方之夷狄也。鳳翔麟至，鳥獸馴德，馴，無他也。好生故也。君。

舍此道而冠冕，是問是以緩對。

孔子讀史，至楚復陳，陳夏徵舒殺其君楚莊王討之，因縣陳，喟然

歎曰：賢哉楚王，輕千乘之國，而重一言之信。匪申叔之信，不能達。

其義匪莊王之賢不能受其訓

孔子常自筮其卦得賁焉愀然有不平之狀子張進曰師聞卜者

得賁卦吉也而夫子之色有不平何也孔子對曰以其離耶在周

易山下有火謂之賁離上艮下離非正色之卦也夫質也黑白宜

正焉今得賁非吾之兆也賁飾吾聞丹漆不文白玉不雕何也質有

餘不受飾故也

孔子曰吾於甘棠見宗廟之敬也甚矣邵伯聽訟於甘棠愛其樹作甘棠之詩也思其

人必愛其樹尊其人必敬其位道也

子路戎服見於孔子拔劍而舞之曰古之君子以劍自衛乎孔子

曰古之君子忠以為質仁以為衛不出環堵之室而知千里之外

有不善則以忠化之侵暴則以仁固之何待劍乎子路曰由乃今

聞此言請攝齊以受教齊裳下緝也受緝緝也緝名緝下橫縫緝其下也

楚王出遊亡弓左右請求之玉曰止楚王失弓楚人得之又何求

之孔子聞之曰惜乎其不大也不曰人遺弓人得之而已何必楚

也王恭王子弓鳥也嗥之良弓

孔子為魯司寇斷獄訟皆進眾議者而問之曰子以為奚若某以

為何若皆曰云云如是然後夫子曰當從某子幾是近也重獄事故與眾議之

孔子問漆雕憑曰子事臧文仲武仲及孺子容此三大夫孰賢對

曰臧氏家有守龜焉名曰蔡文仲三年而為一兆武仲三年而為二兆孺子容三年而為三兆憑從此見之若問三人之賢與不賢所未敢識也孔子曰君子哉漆雕氏之子其言人之美也隱而顯言人之過也微而著智而不能及明而不能見孰克如此克能也而宜為也

魯公索氏

索先落反

將祭而亡其牲孔子聞之曰公索氏不及二年將

亡後一年而亡門人問曰昔公索氏亡其祭牲而夫子曰不及二年必亡今過暮而亡夫子何以知其然孔子曰夫祭者孝子所以自盡於其親將祭而亡其牲則其餘所亡者多矣若此而不亡者

未之有也

虞芮二國爭田而訟連年不決乃相謂曰西伯仁也

西伯文王蓋往質

蓋何不正也入其境則耕者讓畔行者讓路入其朝士讓為大夫大夫讓于卿虞芮之君曰嘻吾儕小人也

儕等不可以入君子之朝遂自相與而退咸以所爭之田為閔田也孔子曰以此觀之文王之道其不可加焉不令而從不教而聽至矣哉

曾子曰狎甚則相簡莊甚則不親是故君子之狎足以交歡其莊足以成禮孔子聞斯言也曰二三子志之孰謂參也不知禮乎

哀公問曰紳委章甫委委貌章甫冠名也有益於仁乎孔子作色而對曰君

紳大帶所約以自紳約

哀公

委委貌章甫冠名也

二

哀公

胡然焉。衰麻苴杖者，志不存乎樂，非耳弗聞，服使然也。黼黻衮冕

者，容不襲慢，非性矜莊，服使然也。介冑執戈者，無退懦之氣，非體

純猛，服使然也。且臣聞之，好肆不守折，言市弗能為廉，好肆不守折也。而長者不

為市。言長者之行，則不為市買之事。竊夫其有益與無益，君子所以知為察。

孔子謂子路曰：見長者而不盡其辭，雖有風雨，吾不能入其門矣。

故君子以其所能敬人，小人反是。

孔子謂子路曰：君子以心導耳目，立義以為勇，小人以耳目導心。

不慙以為勇，故曰退之而不怨，先之斯可從已。言人退之不怨，先之則可從，足以為

也師

孔子曰：君子三患，未之聞，患不得聞，既得聞之，患弗得學，既得學

之，患弗能行，有其德而無其言，君子耻之，有其言而無其行，君子

耻之，既得之而又失之，君子耻之，地有餘，民不足，君子耻之，衆寡

均而人功倍已焉，君子耻之。此與功業多少與人同，而功殊倍已，故耻之也。

魯人有獨處室者，鄰之釐婦，釐，寡也。亦獨處一室，夜暴風雨至，釐婦

室壞趨而託焉，魯人閉戶而不納，釐婦自牖與之言，子何不仁而

不納我乎？魯人曰：吾聞男女不六十不同居，今子幼，吾亦幼，是以

不敢納爾也。婦人曰：子何不如柳下惠然？嫗不建門之女，國人不

稱其亂，魯人曰：柳下惠則可，吾固不可，吾將以吾之不可學柳下

此焉通入承上
接下語

惠之可。孔子聞之曰。善哉。欲學柳下惠者。未有似於此者。期於至善而不襲其為。可謂智乎。

孔子曰。小辯害義。小言破道。關雎興于鳥。而君子美之。取其雄雌之有別。鹿鳴興於獸。而君子大之。取其得食而相呼。若以鳥獸之名嫌之。固不可行也。

孔子謂子路曰。君子而強氣。則不得其死。小人而強氣。則刑戮存。

蔡邕詩曰。殆天之未陰雨。徹彼桑土。綢繆牖戶。始及也。徹。剝也。桑土。桑根也。鳴。鳴也。天

未雨。制取桑根。以纏綿其牖戶。喻我國家積累之功。乃難成之苦者也。今汝下民。或敢侮余。今者。周公時言。我先王。致此大功。至艱而下民。敢侵侮我周道。謂管蔡之屬。不可不遏絕之。以存周室者也。孔子曰。能治國家

之如此。雖欲侮之。豈可得乎。周自后稷。積行累功。以有爵土。公劉

重之以仁。及至大王。亶甫。敦以德讓。其樹根置本。備豫遠矣。初大

王都豳。狄人侵之。事之以皮幣。不得免焉。事之以珠玉。不得免焉。

於是屬耆老而告之。所欲吾土地。吾聞之。君子不以所養而害人。

二。三子何患乎。無君。遂獨與太姜去之。踰梁山。邑于岐山之下。豳

人曰。仁人之君。不可失也。從之如歸市焉。天之與周民之去殷久

矣。若此而不能天下未之有也。武庚惡能侮。武庚。紂子。名祿父。與管叔共為亂也。鄰

詩曰。執轡如組。兩驂如舞。驂。以服。和調中節。孔子曰。為此詩者。其知政乎。

夫為組者。穆紕於此。成文於彼。言其動於近。行於遠也。執此法以

御民豈不化乎。竿旄之忠告至矣哉。竿旄之詩者樂乎善道告人取喻於素絲良馬如組織之

孔子家語卷二終

子家語卷三

魏散騎常侍領秘書監兼崇文館祭酒東海王 肅注

皇明

後學東吳金 蟠訂

觀周第十一

孔子謂南宮敬叔曰。吾聞老聃博古知今。敬叔孟僖子子也老聃老子博古知今而好道

通禮樂之原。明道德之歸。則吾師也。今將往矣。對曰。謹受命。遂言

於魯君曰。臣受先臣之命。先臣僖子云孔子聖人之後也聖人殷湯滅於宋

孔子之先去宋奔魯故曰滅於宋也其祖弗父何始有國而授厲公。弗父何繆公世子厲公兄也讓

國以授厲公春秋傳曰以有宋而授厲公始有國謂始有宋也及正考父佐戴武宣。正考父何之曾孫也戴武

宣三命茲益恭考父士一命其大夫再命卿三命是也故其鼎銘曰臣有功德君命銘之於其

宗廟之一命而僂再命而偃三命而俯僂於僂俯於俯循牆而走言恭之甚

亦莫余敢侮余我也我考父也以其其僇於是粥於是是以餬其口

也為糜粥於此其恭儉也若此臧孫紇有言聖人之後若不當世

鼎言至儉也紇臧武仲弗父何殷湯之後而不繼世為宋君則必有明君而達者焉孔子少而好禮其

將在矣將在孔子屬臣曰汝必師之今孔子將適周觀先王之遺制考

禮樂之所極斯大業也君蓋以乘資之臣請與往公曰諾與孔子

車一乘馬二疋豎子侍御敬叔與俱至周問禮於老聃訪樂於萇

弘弘周大夫歷郊社之所考明堂之則則察廟朝之度於是

喟然曰吾乃今知周公之聖與周之所以王也及去周老子送之

曰吾聞富貴者送人以財仁者送人以言吾雖不能富貴而竊仁

者之號請送子以言乎凡當今之士聰明深察而近於死者好譏

議人者也博辯閎達而危其身好發人之惡者也無以有已為人

子者身父母有之也無以惡已為人臣者言聽則仕不用則退孔子曰敬

奉教自周反魯道彌尊矣遠方弟子之進蓋三千焉

孔子觀乎明堂觀四門墉有堯舜之容桀紂之象而各有善惡之

狀興廢之誠焉又有周公相成王抱之負斧扆南面以朝諸侯之

圖焉世之博學者謂周公便孔子徘徊而望之謂從者曰此周之

禮明堂位天子命
象狀如屏風以
為備高八尺東西
各一丈一丈一丈
天子見諸侯則
依而立之南面
南面以對諸侯

所以盛也。夫明鏡所以察形，往古所以知今。人主不務襲跡於其所以安存，而忽怠所以危亡。未有異於却步而求及前人也。豈不惑哉。

孔子觀周，遂入太祖后稷之廟堂，右階之前有金人焉，參緘其口，而銘其背曰：古之慎言人也。戒之哉。無多言，多言多敗。無多事，多事多患。安樂必戒，雖處安樂必警戒也，無行所悔，言當詳而後行，所悔之事不可復行，勿謂何傷。其禍將長，勿謂何害。其禍將大，勿謂不聞。神將伺人，焰焰不滅，炎炎若何。涓涓不壅，終為江河。綿綿不絕，或成網羅。綿綿細微若網羅者，毫末不札，將尋斧柯。如毫之末，言至微也。札，板也。尋，用者也。誠能慎之，福之根

板判也

也。口是何傷，禍之門也。強梁者不得其死，好勝者必遇其敵。盜憎主人，民怨其上。君子知天下之不可上也，故下之；知衆人之不可先也，故後之。溫恭慎德，使人慕之。執雌持下，人莫踰之。人皆趨彼，我獨守此，人皆或之，我獨不徙。或之，東西轉移之貌。內藏我智，不示人技。我雖尊高，人弗我害，誰能於此。江海雖左，長於百川，以其卑也。水陰長右。為百川長，以其能下。天道無親，而能下人。戒之哉。孔子既讀斯文也，顧謂弟子曰：小人識之。音志。此言實而中，情而信。詩曰：戰戰兢兢，如臨深淵，如履薄冰。戰戰，恐也。兢兢，戒也。恐，墜也。陷也。行身如此，豈以口過患哉。

家語

卷三 觀周

三

文選

孔子見老聃而問焉曰甚矣道之於今難行也吾比執道而今委質以求當世之君而弗受也道於今難行也老子曰夫說者流於辯也失也聽者亂於辭如此二者則道不可以忘也

辯也失也聽者亂於辭如此二者則道不可以忘也

弟子行第十二

道德經補註之友

衛將軍文子衛卿名彌牟也問於子貢曰吾聞孔子之施教也先之以詩書而道之以孝悌說之以仁義觀之以禮樂然後成之以文德蓋入室升堂者七十有餘人其孰為賢子貢對以不知文子曰以吾子常與學賢者也不知何謂子貢對曰賢人無妄賢人無妄舉動不妄知賢即難故君子之言曰智莫難於知人是以難對也文子曰若夫知賢莫不難今吾子親遊焉是以敢問子貢曰夫子之門人蓋有三千就焉賜有逮及焉未逮及焉故不得徧知以告也文子曰吾子所及者請問其行子貢對曰夫能夙興夜寐諷詩崇禮行不貳過

詩大雅下民之
篇詩慎作順
鄭康成曰長我
存心之所思所
思者其維則三
后之所行子孫
以順祖考之存

鄭為鮮寡
克能也天之生
此眾民其教
道非當誠信
使志厚子孫
今則不欲其
皆無義於善
道後更化於
惡俗

擯土國之君所使
出接賓者在主
曰擯在答曰介

貳再也有不善未嘗不知知之未嘗復行也稱言不苟舉言典法不苟且也是顏回之行也孔子

說之以詩曰媚茲一人應侯慎德一人天子也應當也侯惟也言顏回之德足以媚愛天子當於

慎德永言孝思孝思惟則言能長是孝道足以為法則也若逢有德之君世受

顯命不失厥名以御于天子則王者之相也

在貧如客言不以貧累志矜莊如為客也使其臣如借言不有其臣如借使之也不遷怒不深

怨不錄舊罪是冉雍之行也孔子論其材曰有土之君子也有眾

使也有刑用也然後稱怒焉言有土地之君有眾足使有刑足用然後可以稱怒冉雍非有土之君故

而不加怒也孔子告之以詩曰靡不有初鮮克有終冉雍能終其行匹夫

不怒唯以忘其身因說不怒之義遂及匹夫以怒亡身

不其強禦不侮矜寡其言循性循其性也而其都必富仲由長於政事材

任治我戎軍旅也是仲由之行也孔子和之以文說之以詩曰受小拱

大拱而為下國駿龐荷天子之龍孔子曰和仲由以文說之以詩此其義也拱法也駿大也龐厚

也龍荷之言受大小法為下國大厚乃可任天下道也不難不悚敷奏其勇難恐悚懼敷陳奏薦強乎

武哉文不勝質文不勝勇

恭老卹幼不忘賓旅賓旅謂寄客也好學博藝省物而勤也省錄諸事而能勤也是

冉求之行也孔子因而語之曰好學則智卹孤則惠恭則近禮勤

則有繼堯舜篤恭以王天下其稱之也曰宜為國老國老助宣德教

齊莊而能蕭志通而好禮擯相兩君之事篤雅有節是公西赤之

冠昏喪祭禮之大綱
是曰經禮經禮之大數
有三百餘條故言禮
禮三百經禮又各有
十餘條故言曲禮

賓導也敬也

盈猶溢

詩豳風為比春
酒以介眉壽
註豪眉也

傲慢也倨也亦不
問而告曰之傲

行也。子曰：禮經三百，可勉能也。禮經三百，可勉學而能知。威儀三千，則難也。能躬

行三千之威儀，則難可。公西赤問曰：何謂也？子曰：貌以儼禮，禮以

儼辭，是謂難焉。言所以為者，當觀容貌而儼相其禮度。衆人聞之，

以為成也。孔子語人曰：當賓客之事，則達矣。衆人聞公西赤能行

成也。孔子曰：當賓客之事，則達矣。三千之威儀，故以為謂門人曰：二三子之欲學賓客之禮

者，其於赤也。

滿而不盈，實而如虛，過之如不及。先王難之。盈而如虛，過而不及，

其行博無不學，其貌恭，其德敦，其言於人也無所不信。其驕大人

也，常以浩浩。浩然志大，驕太貌。是以矜壽。不慕富貴，安靜虛無，所以為壽也。是曾

參之行也。孔子曰：孝，德之始也；悌，德之序也。悌以敬長，是信，德之

厚也；忠，德之正也；參中夫四德者也，以此稱之。

美功不伐，貴位不善，不侮不佚。侮，佚貪功；慕勢之貌。不傲無告。鰥寡孤獨，此

民而無告者也。子張是顓孫師之行也。孔子言之曰：其不伐則猶

可能也，其不弊百姓則仁也。不弊，患百姓，即所謂不傲之也。詩云：愷悌君子，民之

父母。愷，樂愉易也；樂以強教之，易以說安之。民皆有是父之尊，母之親也。夫子以其仁為大學之深

學而能入其深義也。

送迎必敬。送迎，賓客常能敬也。上交下接，若截焉，是卜商之行也。孔子說之

以詩曰：式夷式已，無小人殆。式，用夷平也；言用平則已也。若商也，始危也，無以小人至於危也。

卷三

弟子行

卜

若商也

其可謂不險矣。險危也。言子夏常厲以斷之。近小人。斯不危也。

貴之不喜。賤之不怒。苟利於民矣。廉於行已。其事上也。以佑其下。

言所以事上。乃欲佑助其下也。是澹臺滅明之行也。孔子曰：獨貴獨富。君子耻之。

夫也中之矣。夫謂滅明。中猶當也。

先成其慮。及事而用之。故動則不妄。是言偃之行也。孔子曰：欲能

則學。欲知則問。欲善則詳。欲善其事。當詳慎也。欲給則豫。事欲給而不礙。則莫若於豫。當

是而行。偃也得之矣。

獨居思仁。公言仁義。其於詩也。則一日三覆白圭之玷。玷。缺也。詩曰：白圭之

玷。尚可磨也。斯言之玷。不可為也。一日三覆之。慎之至也。是南宮縚之行也。孔子信其能仁。

給音詰

為異士。殊異之士也。大戴曰：引之以為異。姓婚姻也。以兄之女妻之者也。

自見孔子。出入於戶。未嘗越禮。往來過之。足不履影。言其往來常正。故跡不履也。

影。啓蟄不殺。春分當發蟄。蟲啓戶。咸出於此時。不殺生也。方長不折。春夏生長。養時。草木不折。執親

之喪。未嘗見齒。是高柴之行也。孔子曰：柴於親喪。則難能也。啓蟄

不殺。則順人道。方長不折。則恕仁也。成湯恭而以恕。是以日躋。躋。升也。

也。成湯行恭而能恕。出見博鳥焉。四面絕網。乃去其三面。詩曰：湯降不遲。聖敬日躋。言湯疾行下人之道。其聖敬之德。日升聞也。

凡此諸子。賜之所親覩者也。吾子有命。而訊賜也。固不足以

知賢。文子曰：吾聞之也。國有道。則賢人興焉。中人用焉。中庸之人。為時用也。

乃百姓歸之。若吾子之論。既富茂矣。壹諸侯之相也。壹。皆也。抑世未有

左傳桓五年比 祀啓蟄而郊 疏 啓蟄言始發蟄

明君所以不遇也。子貢既與衛將軍文子言，適魯見孔子，曰：衛將軍文子問二三子之於賜，不壹而三焉，賜也辭不獲命，以所見者對矣。未知中否，請以告。孔子曰：言之乎？子貢以其辭狀告孔子，子聞而笑曰：賜汝次為知人矣。言為知人之次子貢對曰：賜也何敢知人，此以賜之所覩也。孔子曰：然，吾亦語汝耳，之所未聞，目之所未見者，豈思之所不至，智之所未及哉？子貢曰：賜願得聞之。孔子曰：不克不忌，不念舊怨，蓋伯夷叔齊之行也。畏天而敬人，服義而行信，孝於父母，恭於兄弟，從善而教不道，蓋趙文子之行也。

其事君也，不敢愛其死，然亦不敢忘其身，謀其身不遺其友，君陳則進而用之。陳謂陳列於君，為君之使用也。不陳則行而退，蓋隨武子之行也。其為人之淵源也，多聞而難誕。誕欺內植足以沒其世，國家有道，其言足以治，無道其默足以容，蓋銅錒伯華之行也。外寬而內正，自拯於隱括之中。隱括所以自拯直已而不直人，汲汲於仁，以善自終，蓋蘧伯玉之行也。孝恭慈仁，允德圖義。允信也，圖謀也。約貨去怨。夫利怨之所聚，故約省其貨以遠去其怨。輕財不價，蓋柳下惠之行也。其言曰：君雖不量於其身，謂不量度其臣之德器也。臣不可以不忠於其君，是

故君擇臣而任之。臣亦擇君而事之。有道順命。君有道則順從其命無道衡

命。衡橫也。謂不受其命而隱居者也。蓋晏平仲之行也。

蹈忠而行信。終日言不在尤之內。尤過也。九國無道處賤不悶。悶憂也。貧而能

樂。蓋老子之行也。

易行以俟天命。易治也。居下不援其上。雖在下位不攀援其上以求進。其親觀於四方

也不忘其親。不盡其樂。雖有觀四方之樂常念其親不盡而歸也。以不能則學。不為已

終身之憂。凡憂憂所知不能則學何憂之有。蓋介子山之行也。

子貢曰。敢問夫子之所知者。蓋盡於此而已乎。孔子曰。何謂其然。

亦略舉耳目之所及而已矣。昔晉平公問祁奚曰。羊舌大夫晉之

大夫也。其不知祁奚所以不知。公曰。吾聞子少長乎其所。於其

長。今子掩之何也。祁奚對曰。其少也恭而順。心有耻而不使其過

宿。心常有所耻也。及其有過不令更宿輒改。其為大夫。悉善而謙其端。盡善道而謙讓是正也。其

為此尉也。信而好直。其功至於其為容也。溫良而好禮。博聞而時

出其志。以時出之。悔未及之。是其志也。公曰。曩者問子。子奚曰不知也。祁奚曰。每

位改變。衆知所止。是以不敢得知也。此又羊舌大夫之行也。子貢

跪曰。請述而記之。

八而後敢入臣以此取之雖次之賢不亦可乎

子貢問於孔子曰今之人臣孰為賢子曰吾未識也往者齊有鮑叔鄭有子皮則賢者矣子貢曰齊無管仲鄭無子產乎子曰賜汝徒知其一未知其二汝聞用力為賢乎進賢為賢乎子貢曰進賢賢哉子曰然吾聞鮑叔達管仲子皮達子產未聞二子之達賢已之才者也

哀公問於孔子曰寡人聞忘之甚者徙而忘其妻有諸孔子對曰此猶未甚者也甚者乃忘其身公曰可得聞乎孔子曰昔者夏桀貴為天子富有四海忘其聖祖之道壞其典法廢其世祀荒於淫

樂耽溺於酒佞臣諂諛窺導其心忠士折口逃罪不言折口天下

誅桀而有其國此謂忘其身之甚矣

顏淵將西遊於宋問於孔子曰何以為身子曰恭敬忠信而已矣

恭則遠於患敬則人愛之忠則和於眾信則人任之勤斯四者可

以正國豈特一身者哉特故夫不比於數而比於疎不亦遠乎不

親數近疎遠也不修其中而修外者不亦反乎慮不先定臨事而謀不亦

晚乎

子路問於孔子曰賢君治國所先者何孔子曰在於尊賢而賤不肖子路曰由聞晉中行氏尊賢而賤不肖矣其亡何也孔子曰中

行氏尊賢而不能用，賤不肖而不能去，賢者知其不用而怨之，不肖者知其必已賤而讎之，怨讎並存於國，鄰敵構兵於郊，中行氏雖欲無亡，豈可得乎？

孔子閒處，喟然歎曰：嚮使銅鞮伯華無死，則天下其有定矣。子路曰：由願聞其人也。子曰：其幼也敏而好學，其壯也有勇而不屈，其老也有道而能下人，有此三者以定天下也，何難乎哉？子路曰：幼而好學，壯而有勇，則可也。若夫有道下人，何哉？子曰：由女不知也。吾聞以衆攻寡，無不克也；以貴下賤，無不得也。昔者周公居家宰之尊，制天下之政，而猶下白屋之士，日見百七十人，所以無道

也。欲得士之用也，惡有有道而無下天下君子哉。

齊景公來適魯，舍於公館，使晏嬰迎孔子。孔子至，景公問政焉。孔子答曰：政在節財。公悅。又問曰：秦穆公國小處僻而霸，何也？孔子曰：其國雖小，其志大，其處雖僻，而其政中，其舉也果，其謀也和，法無私而令不偷。偷，苟且也。疑作渝變也。首拔五叛，爵之大夫，與語三日而授之以政，以此取之，雖王可，其霸少矣。景公曰：善哉。

哀公問政於孔子。孔子對曰：政之急者，莫大乎使民富且壽也。公曰：為之奈何？孔子曰：省力役，薄賦斂，則民富矣。敦禮教，遠罪疾，則民壽矣。公曰：寡人欲行夫子之言，恐吾國貧矣。孔子曰：詩云：愷悌



君子民之父母未有子富而父母貧者也

衛靈公問於孔子曰有語寡人有國家者計之於廟堂之上則政治矣何如孔子曰其可也愛人者則人愛之惡人者則人惡之知得之已者則知得之人所謂不出環堵之室而知天下者知反已之謂也

孔子見宋君君問孔子曰吾欲使長有國而列都得之國之列都皆得其道吾欲使民無惑吾欲使士竭力吾欲使日月當時吾欲使聖人自來吾欲使官府治理爲之奈何孔子對曰千乘之君問丘者多矣而未有若主君之問問之悉也然主君所欲者盡可得也丘聞之

鄰國相親則長有國君惠臣忠則列都得之不殺無辜無釋罪人則民不惑士益之祿則皆竭力尊天敬鬼則日月當時崇道貴德則聖人自來任能黜否則官府治理宋君曰善哉豈不然乎寡人不佞不足以致之也孔子曰此事非難唯欲行之云耳

不效不與以疑之也。兵子曰：此等非謙辭於君之云耳。
頃望入自來，出則歸，不頃望，孫叔孫曰：善，姑豈不慈乎？寡人
頃月不怨，士益之，新頃望，豈不慈乎？寡人
頃月不怨，士益之，新頃望，豈不慈乎？寡人
頃月不怨，士益之，新頃望，豈不慈乎？寡人

辨政第十四

子貢問於孔子曰：昔者齊君問政，夫子曰：政在節財。魯君問政，夫
子曰：政在諭臣。葉公問政，夫子曰：政在悅近而來遠。三者之問一
也。而夫子應之不同，然政在異端乎？孔子曰：各因其事也。齊君為
國奢乎？臺榭淫乎？苑囿五官伎樂不懈於時，一旦而賜人以千乘
之家者，三故曰：政在節財。魯君有臣三人，孟孫叔孫、季孫三也，內比周以愚
其君，外距諸侯之賓，以蔽其明，故曰：政在諭臣。夫荆之地廣而都
狹，民有離心，莫安其居，故曰：政在悅近而來遠。此三者所以為政
殊矣。詩不云乎：喪亂蔑資，莫惠我師。蔑無也，資財也，師衆也，夫為
亡亂之政，重賦厚斂，民無資

穀梁傳祖六年
修放明論國道

詩大雅生民之篇

家語

卷三 辨政

十四

辨政

鄭玄曰小人好為
讒佞既不共其
職事又為王作
病

家語 卷三 十四 永懷堂

財曾莫肯 此傷奢侈不節以為亂者也又曰匪其止共惟王之

止止息也取病也讒人不 此傷姦臣蔽主以為亂也又曰亂離瘼

共所止息故惟王之病 此傷姦臣蔽主以為亂也又曰亂離瘼

矣奚其適歸 離憂也瘼病也言離散以成憂 此傷離散以為亂者

也察此三者政之所欲豈同乎哉

孔子曰忠臣之諫君有五義焉一曰譎諫 正其事以 二曰慤諫 慤

無文 三曰降諫 卑降其體 四曰直諫 五曰風諫 唯度主而行之吾

從其風諫乎 風諫依違遠 罪避害者也

子曰夫道不可不貴也中行文子倍道失義以亡其國而能禮賢

以活其身 此說倍道失義不宜說得道之意而云禮賢不與上相

次配又文子無禮賢之 事中行文子得罪於晉出奔朝

歌從者曰謂此嗇夫者君子人也胡不休馬待後車者文子曰吾

好音此子道吾琴好佩又遺吾玉是以不振吾過自容於我者也

吾恐其以我求容也遂不入後車入門文子問嗇夫之所在執而

殺之入朝歌孔子聞之曰文子倍道失義以亡其國然後得之以

活其身 聖人轉禍為福此謂是與 若人將死不入得

楚王將遊荆臺司馬子祺諫王怒之令尹子西賀於殿下諫曰荆

臺之觀不可失也王喜拊子西之背曰與子共樂之矣子西步馬

十里引轡而止曰臣願言有道王肯聽之乎王曰子其言之子西

曰臣聞為人臣而忠其君者爵祿不足以賞也諛其君者刑罰不

足以誅也夫子祺者忠臣也而臣者諛臣也願王賞忠而誅諛焉

王曰今我聽司馬之諫是獨能禁我耳若後世遊之何子西曰禁

辨政 承懷堂

後世易耳。大王萬歲之後，起山陵於荆臺之上，則子孫必不忍遊於父母之墓，以爲歡樂也。王曰：善。乃還。孔子聞之曰：至哉！子西之諫也。入之於十里之上，抑之於百世之後者也。

子貢問於孔子曰：夫子之於子產、晏子，可謂至矣。敢問二大夫之所自爲。夫子所以與之者。孔子曰：夫子產於民爲惠主，於學爲博物。晏子於君爲忠臣，而行爲敬敏。故吾皆以兄事之，而加愛敬焉。齊有一足之鳥，飛集於公朝，下止於殿前，舒翅而跳。齊侯大怪之，使使聘魯，問孔子。孔子曰：此鳥名商羊，水祥也。昔童兒有屈一脚，振肩而跳，且謠曰：天將大雨。商羊鼓舞，今齊有之，其應至矣。急告

民趨治溝渠，脩隄防，將有大水爲災。頃之，大霖雨，水溢泛，諸國傷害人民，唯齊有備不敗。景公曰：聖人之言，信而有徵矣。

孔子謂宓子賤曰：子治單父，衆悅。子何施而得之也？子語丘所以爲之者，對曰：不齊之治也。父恤其子，其子恤諸孤，而哀喪紀。孔子曰：善。小節也。小民附矣。猶未足也。曰：不齊所父事者三人，所兄事者五人，所友事者十一人。孔子曰：父事三人，可以教孝矣。兄事五人，可以教悌矣。友事十一人，可以舉善矣。中節也。中人附矣。猶未足也。曰：此地民有賢於不齊者五人，不齊事之，而稟度焉。皆教不齊所以治人之道。孔子歎曰：其大者乃於此乎有矣。昔堯舜聽天

家言 卷三 十六 下。務求賢以自輔。夫賢者百福之宗也。神明之主也。惜乎不齊之
以所治者小也。

子貢爲信陽宰。將行。辭於孔子。孔子曰：勤之慎之。奉天子之時。無
奪無伐。無暴無盜。子貢曰：賜也。少而事君子。豈以盜爲累哉？孔子
曰：女未之詳也。夫以賢代賢。是謂之奪。以不肖代賢。是謂之伐。緩
令急誅。是謂之暴。取善自與。是謂之盜。盜非竊財之謂也。吾聞之。
知爲吏者。奉法以利民。不知爲吏者。枉法以侵民。此怨之所由生
也。治民莫若平。臨財莫如廉。廉平之守。不可改也。匿人之善。而爲
蔽賢揚人之惡。斯爲小人。內不相訓。而外相謗。非親睦也。言人之

善若已有之。言人之惡若已受之。故君子無所不慎焉。

子路治蒲。三年。孔子過之。入其境。曰：善哉。由也。恭敬以信矣。入其
邑。曰：善哉。由也。忠信而寬矣。至其庭。曰：善哉。由也。明察以斷矣。子
貢執轡而問曰：夫子未見由之政。而三稱其善。其善可得聞與？孔
子曰：吾見其政矣。入其境。田疇盡易。菑萊甚辟。溝洫深治。此其恭
敬以信。故其民盡力也。入其邑。牆屋完固。樹木甚茂。此其忠信以
寬。故其民不偷也。至其庭。庭甚清閑。諸下用命。此其明察以斷。故
其政不擾也。以此觀之。雖三稱其善。庸盡其美乎？

孔子家語卷三終

孔子家語卷四

魏散騎常侍領秘書監兼崇文館祭酒東海王 肅注

皇明 後學東吳葛 藹訂

六本第十五

孔子曰行已有六本焉本立然後為君子也立身有義矣而孝為本
 喪紀有禮矣而哀為本戰陣有列矣而勇為本治政有理矣而
 農為本居國有道矣而嗣為本繼嗣不立為亂之萌生財有時矣而力為本
 置本不固無務豐末親戚不悅無務外交事不終始無務多業記
 聞而言無務多說但記所聞而言言不出記中故不可以務多說比近不安無務求遠是

謂玉廟正直之意
唯、韓詩作遺、
言不能副也

故反本修邇君子之道也。

孔子曰良藥苦口而利於病忠言逆耳而利於行湯武以諤諤而
昌桀紂以唯唯而亡君無爭臣父無爭子兄無爭弟士無爭友無
其過者未之有也故曰君失之臣得之父失之子得之兄失之弟
得之已失之友得之是以國無危亡之兆家無悖亂之惡父子兄
弟無失而交友無絕也

孔子見齊景公公說焉請置粟丘之邑以爲養孔子辭而不受入
爲弟子曰吾聞君子當功受賞今吾言於齊君君未之行而賜吾
邑其不知丘甚矣於是遂行

孔子在齊舍於外館景公出焉賓主之辭既接而左右白曰周使
適至言先王廟災景公復問災何王之廟也孔子曰此必釐王之

廟公曰何以知之孔子曰詩云皇皇上天其命不忒天之以善必

此逸詩也皇皇
美貌忒差也禍亦如之夫釐王變文武之制而作玄黃

報其華麗之飾宮室崇峻輿馬奢侈而弗可振振救故天殃所宜加其

廟焉以是占之爲然公曰天何不殃其身而加罰其廟也孔子曰

蓋以文武故也若殃其身則文武之嗣無乃殄乎故當殃其廟以

彰其過俄頃左右報曰所災者釐王之廟也景公驚起再拜曰善

哉聖人之智過人遠矣

六本
永懷堂

子夏三年之喪畢見於孔子孔子與之琴使之絃侃侃而樂作而曰先王制禮不敢不及子夏曰君子也閔子三年之喪畢見於孔子孔子與之琴使之絃切切而悲而曰先王制禮弗敢過也子曰君子也子貢曰閔子哀未盡夫子曰君子也子夏哀已盡又曰君子也二者殊情而俱曰君子賜也惑敢問之孔子曰閔子哀未忘能斷之以禮子夏哀已盡能引之及禮雖均之君子不亦可乎

孔子曰無體之禮敬也無服之喪哀也無聲之樂歡也不言而信不動而威不施而仁志夫鐘之音怒而擊之則武憂而擊之則悲其志變者聲亦隨之故志誠感之通於金石而況人乎

釋名附錄也四樣之等差也

孔子見羅雀者所得皆黃口小雀夫子問之曰大雀獨不可得何也羅者曰大雀善驚而難得黃口貪食而易得黃口從大雀則不得大雀從黃口亦可得孔子顧謂弟子曰善驚以遠害利食而忘患自其心矣而以所從為禍福故君子慎所從以長者之慮則有全身之階隨小人之釐則有危亡之敗也

孔子讀易至於損益喟然而歎子夏避席問曰夫子何歎焉孔子曰夫自損者必自益自益者必有以決之易損卦次得益益次決決必決故受之以决吾是以歎也子夏曰然則學者不可以已乎决決也損而不已必益

子曰非道益之謂也道彌益而身彌損夫學者損其自多以虛受

人故能成其滿博哉天道成而必變凡持滿而能久者未嘗有也
 故曰自賢者天下之善言不得聞於耳矣昔堯居天下之位猶允
 恭以持之克讓以接下允信也是以千歲而益盛迄今而愈彰夏
 桀昆吾昆吾國與夏桀作亂自滿而無極亢意而不節斬刈黎民如草芥焉
 天下討之如誅匹夫是以千載而惡著迄今而不成滿也是非損
 益之徵與日中則昃月盈則食天地盈虛與時消息是以聖人不
 敢當盛如行則讓長不疾先如在輿而遇三人則下之遇二人則
 式之調其盈虛不令自滿所以能久也子夏曰商請志之而終身
 奉行焉

子路問於孔子曰請釋古之道而行申之意可乎子曰不可昔東
 夷之子慕諸夏之禮有女而寡為內私壻終身不嫁不嫁則不嫁
 矣亦非清節之義也蒼梧嬖娶妻而美讓與其兄讓則讓矣然非
 禮之讓也不慎其初而悔其後嗟何及矣今女欲舍古之道行子
 之意庸知子意不以是為非以非為是乎後雖欲悔難哉
 曾子耘瓜誤斬其根曾皙怒建大杖以擊其背曾子仆地而不知
 人久之有頃乃甦欣然而起進於曾皙曰嚮也參得罪於大人夫
 人用力教參得無疾乎退而就房援琴而歌令曾皙聞之知其體
 康也孔子聞之而怒告門弟子曰參來勿內曾參自以為無罪使

禮言擊也於絕也書也什也

人請於孔子。子曰：女不聞乎？昔瞽叟有子曰舜，舜之事瞽叟，欲使之未嘗不在於側，索而殺之，未嘗可得。小捶則待過，大杖則逃走。故瞽叟不犯不父之罪，而舜不失蒸蒸之孝。今參事父，委身以待暴怒，殛而不避，既身死而陷父於不義，其不孝孰大焉？女非天子之民耶？殺天子之民，其罪奚若？曾參聞之曰：參罪大矣，遂造孔子而謝過。

荆公子年十五而攝相事，孔子聞之，使人往觀其為政焉。使者反曰：視其朝清淨而少事，其堂上有五老焉，其堂下有二十壯士焉。孔子曰：合二十五人之智以治天下，其固免矣！況荆乎？

子夏問於孔子曰：顏回之為人奚若？子曰：回之信，賢於丘。曰：子貢之為人奚若？子曰：賜之敏，賢於丘。曰：子路之為人奚若？子曰：由之勇，賢於丘。曰：子張之為人奚若？子曰：師之莊，賢於丘。子夏避而問曰：然則四子何為事先生？子曰：居吾語女。夫回能信而不能反，反謂必信也，君子言不賜能敏而不能詘，言人雖辨敏亦由能勇而不能怯，言人雖矜莊亦師能莊而不能同，言人雖矜莊亦兼四子者之有以易吾弗與也。此其所以事吾而弗貳也。

孔子遊於泰山，見榮聲期。聲宜為啓，或曰榮益期也。行乎郕之野，鹿裘素琴，瑟而歌。孔子問曰：先生所以為樂者何也？期對曰：吾樂甚多，而至者

惟如鳩反姓

也 林恐也入懷也

三。天生萬物。唯人為貴。吾既得為人。是一樂也。男女之別。男尊女卑。故人以男為貴。吾既得為男。是二樂也。人生有不見日月。不免襁褓者。吾既以行年九十五矣。是三樂也。貧者士之常。死者人之終。處常得終。當何憂哉。孔子曰。善哉。能自寬者也。得宜為待。孔子曰。回有君子之道四焉。強於行義。弱於受諫。休於待祿。休休待宜為得也。慎於治身。史鯀有君子之道三焉。不仕而敬。上不祀而敬也。夫子見人之一善。而志其百非。是夫子之易事也。見人之有善。若已有之。是夫子之不爭也。聞善必躬行之。然後導之。是夫子之

能勞也。學夫子之。三言而未能行。是以自知終不及。二子者也。二子顏回史鯀也。

孔子曰。吾死之後。則商也。日益。賜也。日損。曾子曰。何謂也。子曰。商也好與賢已者處。賜也。悅不若已者處。不知其子視其父。不知其人視其友。不知其君視其所使。不知其地視其草木。故曰。與善人居。如入芝蘭之室。久而不聞其香。即與之化矣。與不善人居。如入鮑魚之肆。久而不聞其臭。亦與之化矣。丹之所藏者赤。漆之所藏者黑。是以君子必慎其所處者焉。

曾子從孔子於齊。齊景公以下卿之禮聘曾子。曾子固辭。將行。晏

家語

卷四 六本

六

六

螭音博博物志
百足名馬螭
中形而兩股
各行而去本
馬形如螭所
皆黑多鬣之
御倒臥如環
故以名乃環

子送之曰吾聞之君子遺人以財不若善言今夫蘭之本三年湛
之以漉醕既成噉之則易以匹馬非蘭之本性也所以湛者美矣
願子詳其所湛者夫君子居必擇處遊必擇方仕必擇君擇君所
以求仕擇方所以脩道遷風移俗者嗜慾移性可不慎乎孔子聞
之曰晏子之言君子哉依賢者固不困依有者固不窮馬螭斬足
而復行何也以其輔之者衆也
孔子曰以富貴而下人何人不尊以富貴而愛人何人不親發言
不逆可謂知言矣言而衆嚮之可謂知時矣是故以富而能富人
者欲貧不可得也以貴而能貴人者欲賤不可得也以達而能達

人者欲窮不可得也

孔子曰中人之情也有餘則侈不足則儉無禁則淫無度則逸從
欲則敗故鞭朴之子不從父之教刑戮之民不從君之令此言疾
之難忍急之難行也故君不急斷不急制使飲食有量衣服有節
宮室有度畜積有數車器有限所防亂之原也夫度量不可不明
是中人所由之令令教令也

孔子曰巧而好度必攻攻堅勇而好問必勝智而好謀必成以愚者
反之是以非其人告之弗聽非其地樹之弗生得其人如聚砂而
雨之言易入也非其人如會鼙而鼓之夫處重擅寵專事妬賢愚者之

情也。位高則危。任重則崩。可立而待也。

孔子曰。舟非水不行。水入舟則沒。君非民不治。民犯上則傾。是故

君子不可不嚴也。小人不可不整一也。

齊高庭問於孔子曰。庭不曠。山不直地。

庭高庭名也。曠隔也。不以山為隔。踰山而來。直宜為

植。不根於地。而遠來也。衣穰而提贊。穰。蒿草。衣提持贊。所以執為禮也。精氣以問事。君子之

道。願夫子告之。孔子曰。貞以幹之。真正以為幹植。敬以輔之。施仁無倦。見

君子則舉之。見小人則退之。去女惡心。而忠與之。效其行。脩其禮。

千里之外。親如兄弟。行不效。禮不脩。則對門不女通矣。夫終日言

不遺已之憂。終日行。不遺已之慮。唯智者能之。故自脩者必恐懼

以除患。恭儉以避難者也。終身為善。一言則敗之。可不慎乎。

山制愚然愈以觀其善也

辯物第十六

季桓子穿井。獲如土缶。其中有羊焉。使使問於孔子曰。吾穿井於費。而井中得一狗。何也。孔子曰。丘之所聞者羊也。丘聞之。木石之怪。夔。蜺。水之怪。龍。罔象。土之怪。犢羊也。

吳伐越。墮會稽。

吳王夫差敗越王勾踐棲於會稽。吳又墮之會稽山也。墮毀者也。

獲巨骨一節。專

車焉。吳子使來聘於魯。且問之孔子。命使者曰。無以吾命也。賓既

將事。乃發幣於大夫及孔子。

賜大夫及孔子。

孔子爵之。

飲酒。

既徹俎而燕。客

執骨而問曰。敢問骨何如為大。孔子曰。丘聞昔禹致羣臣於會稽之山。防風氏後至。禹殺而戮之。其骨專車焉。此為大矣。客曰。敢問

誰守為神。孔子曰：山川之靈，足以紀綱天下者，其守為神。守山川之祀者

為神社稷之守為公侯。但守社稷無山川之祀者直為公侯而已山川之祀為諸侯，皆屬

於王。神與公侯之屬也客曰：防風氏何守？孔子曰：汪芒氏之君，守封嵎者

也。汪芒，國名，封嵎山名為漆姓。在虞夏為防風氏，商為汪芒氏，於周為長瞿

氏。今日大人。周之初及常孔子之時其名異也客曰：人長之極幾何？孔子曰：焦僂

氏，長三尺，短之至也；長者不過十，類之極也。

孔子在陳，陳惠公賓之上館，時有隼鳥集於陳侯之庭而死。隼，大鳥也

始集庭便死楛矢貫之石弩。楛，木名，弩，箭鏃其長尺有咫。咫，八寸也惠公使人持隼

如孔子館而問焉。孔子曰：隼之來遠矣，此肅慎氏之矢也。肅慎，北夷

昔武王克商，通道於九夷百蠻。九夷，東方九種百蠻，夷狄百種各使其方賄來

貢，而無忘職業，於是肅慎氏貢楛矢石弩，其長尺有咫。先王欲昭

其令德之致遠物也，以示後人，使永鑒焉。故銘其楛曰：肅慎氏貢

楛矢。楛，箭括也以分大姬，配胡公而封諸陳。大姬，武王女，胡公，舜之後古者分同姓

以珍玉，所以展親親也；分異姓以遠方之職貢，所以無忘服也。故

分陳以肅慎氏貢焉。君若使有司求諸故府，其可得也。公使人求

得之，金牘如之。

郊子朝魯，魯人問曰：少昊氏以鳥名官，何也？魯人，叔孫昭子，少昊，金天氏也對曰：

吾祖也。我知之。昔黃帝以雲紀官，故為雲師而雲名。黃帝，軒轅氏師長也，雲紀

其官長而為炎帝以火。神農氏也共工以水。共工霸九州也大昊以龍。包犧氏也其

義一也。火師而火名也我高祖少昊摯之立也。鳳鳥適至。是以紀

之於鳥。故為鳥師。而鳥名。自顓頊以來。不能紀遠。乃紀於近。為民

師。而命以民事。則不能故也。言不能紀遠也孔子聞之。遂見郊子而學焉。

既而告人曰。吾聞之。天子失官。學在四夷。猶信。郊小國也。故吳伐

國不振旅。蠻夷入伐。吾亡無日矣。孔子稱官學在四夷。疾時之廢

學也。郊少昊之後。以其世則遠矣。以其國則小矣。魯公之後。以其

世則遠矣。以其國則大矣。然其知禮不若郊子。故孔子發此言。疾時之不學也。

邾隱公朝於魯。子貢觀焉。子貢時為魯大夫也邾子執玉高。其容仰。定公受

玉卑。其容俯。玉所以聘於王子貢曰。以禮觀二君者。將有死亡焉。夫禮生

死存亡之體。將左右周旋進退俯仰。於是乎取之。朝祀喪戎。於是

乎觀之。今正月相朝。而皆不度。不得其法度也心已亡矣。嘉事不體。朝聘亦嘉

事也不體。不得其體何以能久。高仰。驕也。卑俯。替也。驕近亂。替近疾。君為主。

其先亡乎。夏五月。公薨。又邾子出奔。孔子曰。賜不幸而言中。是賜

多言。

孔子在陳。陳侯就之。燕遊焉。行路之人云。魯司鐸災。司鐸官名及宗廟。

以告孔子。子曰。所及者。其桓僖之廟。陳侯曰。何以知之。子曰。禮。祖

有功而宗有德。故不毀其廟焉。今桓僖之親盡矣。又功德不足以

存其廟。而不毀。是以天災加之。三日。魯使至。問焉。則桓僖也。陳侯

謂子貢曰。吾乃今知聖人之可貴。對曰。君今知之可矣。未若專其道而行其化之善也。

陽虎既奔齊。自齊奔晉。適趙氏。孔子聞之。謂子路曰。趙氏其世有亂乎。子路曰。權本不在焉。豈能為亂。孔子曰。非女所知。夫陽虎親富而不親仁。有寵於季孫。又將殺之。不克而奔。求容於齊。齊人囚之。乃亡歸晉。是齊魯二國已去其疾。趙簡子好利而多信。必溺其說而從其謀。禍敗所終。非一世可知也。

季康子問於孔子曰。今周十二月。夏之十月。而猶有蝻。何也。孔子對曰。丘聞之。火伏而後蟄者畢。火。大火。心星也。蟄。蟄蟲也。今火猶西流。司歷過

也。季康子曰。所失者幾月。孔子曰。於夏十月。火既沒矣。今火見再失閏也。

吳王夫差將與哀公見晉侯。吳子魯哀公十二年。與晉侯會于黃池。子服景伯對使

者曰。王合諸侯。則伯帥侯牧。以見於王。伯。王官。侯。牧。方伯名。伯合諸侯。則侯

帥子男。以見於伯。今諸侯會。伯侯。牧也。而君與寡君見晉。成爲伯矣。且

執事以伯召諸侯。而以侯終之。何利之有焉。吳人乃止。既而悔之。

遂囚景伯。景伯謂太宰嚭曰。魯將以十月上辛。有事於上帝。先王

季辛而畢。有事祭所。以欺吳也。何也。世有職焉。何。景伯名。自襄以來。未之改也。襄魯

襄公是也。若其不會。則祝宗將曰。吳實然。嚭言於夫差。歸之。子貢聞之。

見於孔子曰。子服氏之子拙於說矣。以實獲囚。以詐得免。孔子曰。吳子為夷德可欺。而不可以實。是聽者之敝。非說者之拙也。

叔孫氏之車士曰子鉏商。車士持車者。于姓也。采薪於大野。春秋經魯哀公十四年。西狩獲麟。

麟。傳曰。西狩大野。今此曰采薪於大野。若車士于鉏商。非狩者。采薪西獲麟。瑞物。時見狩獲。故經書西狩獲麟也。獲麟焉。

折其前左足。載以歸。叔孫以為不祥。棄之郭外。傳曰。以賜虞人。棄之郭外。將以賜虞

也。使人告孔子曰。有麇而角者。何也。孔子往觀之。曰。麟也。胡為來哉。胡為來哉。反袂拭面。涕泣沾衿。叔孫聞之。然後取之。子貢問曰。

夫子何泣爾。孔子曰。麟之至。為明王也。出非其時。而見害。吾是以傷哉。

傷哉。

哀公問政第十七

哀公問政於孔子。孔子對曰。文武之政。布在方策。其人存。則其政

舉。其人亡。則其政息。天道敏生。地道敏樹。人道敏政。夫政也者。蒲

盧也。蒲盧。螺螺也。謂土蠶也。取蟻蛉而化之。以君子為政。化百姓。亦如之者也。待化以成。故為政在於

得人。取人以身。修道以仁。仁者人也。親親為大。義者宜也。尊賢為

大。親親之教。尊賢之等。禮所生也。禮者政之本也。是以君子不可


以不脩身。思脩身。不可以不事親。思事親。不可以不知人。思知人。

不可以不知天。天下之達道有五。其所以行之者三。曰。君臣也。父

子也。夫婦也。昆弟也。朋友也。五者天下之達道。智。仁。勇。三者天下

之達德所以行之者一也。或生而知之。或學而知之。或困而知之。及其知之一也。或安而行之。或利而行之。或勉強而行之。及其成功一也。公曰。子之言美矣。寡人實固不足以成之也。孔子曰。好學近乎智。力行近乎仁。知耻近乎勇。知斯三者。則知所以修身。知所以修身。則知所以治人。知所以治人。則能成天下國家矣。公曰。政其盡此而已乎。孔子曰。凡為天下國家。有九經。曰。修身也。尊賢也。親親也。敬大臣也。體羣臣也。子庶民也。來百工也。柔遠人也。懷諸侯也。夫修身則道立。尊賢則不惑。親親則諸父昆弟不怨。敬大臣則不眩。體羣臣則士之報禮重。子庶民則百姓勸。來百工則財用足。柔遠人則四方歸之。懷諸侯則天下畏之。公曰。為之奈何。孔子曰。齊明盛服。非禮不動。所以修身也。去讒遠色。賤財而貴德。所以尊賢也。爵其能。重其祿。同其好惡。所以篤親親也。官盛任使。所以勸大臣也。盛其官委任使之也忠信重祿。所以勸士也。忠信者與之重祿也時使薄歛。所以子百姓也。日省月考。既稟稱事。所以來百工也。既廩食之多寡

稱其事也送往迎來。嘉善而矜不能。所以綏遠人也。繼絕世舉廢邦治亂持危。朝聘以時。厚往而薄來。所以懷諸侯也。治天下國家。有九經。其所以行之者一也。凡事豫則立。不豫則廢。言前定。則不跲。跲躓也事前定。則不困。行前定。則不疚。道前定。則不窮。在下位。不獲于上。



民弗可得而治矣。獲于上有道，不信於友，不獲於上矣。信於友有道，不順乎親，不信乎友矣。順乎親有道，反諸身不誠，不順乎親矣。誠身有道，不明乎善，不誠乎身矣。誠者，天之道也。誠之者，人之道也。夫誠者，不思而得，不勉而中，從容中道，聖人之所以定體也。誠之者，擇善而固執之者也。公曰：子之教寡人備矣。敢問行之所始。孔子曰：立愛自親始，教民睦也。立敬自長始，教民順也。教之慈睦而民貴有親，教以敬而民貴用命。既孝於親，又順以聽命。措諸天下，無所不可。公曰：寡人既得聞此言也，懼不能果行而獲罪咎。宰我問於孔子曰：吾聞鬼神之名而不知所謂，敢問焉。孔子曰：人

生有氣有魂

氣與魂非二也，充於四肢百骸為氣，而所以動作則魂也。

有魄

魄精氣之寓於形者也。

氣魂

魄會謂之生

氣聚則魂魄相交而生。

氣者神之盛也

合氣與魂為神。

魄者鬼之盛也

神而享之，教之至也。

合神鬼而事之者，孝道之至，孝者教之所由生也。

骨肉弊於下，化爲

野土，其氣發揚於上者，此神之著也。聖人因物之精，制爲之極。

制爲中法。

明命鬼神，以爲民之則。

明命，猶尊名使民事其祖禰。

而猶以是爲未足也。

故築爲宮室，設爲宗祧。

宗，宗廟也。祧，遠廟也。天子特有二祧，諸侯謂始祖爲祧也。

春秋祭祀，以

別親疎，教民反古復始，不敢忘其所由生也。衆人服自此聽且速

焉。

聽，謂慎教令也。教以二端，二端既立，復以二禮。

二端，氣與魄也。二禮，謂薦黍稷也。

建設

朝事

薦腥時也

燔燎羶薌

謂取臍膾雜以蕭蒿焚之使羶薌上騰也

○臍音律膾音聊薌音香

所以報氣

也薦黍稷羞肺肝

羞進也

加以鬱鬯

鬱香草也鬯酒也

所以報魄也

此教民脩

本反始崇愛上下

情禮之至也

民能不忘其所由生然後能相愛也上下調尊卑用情謂親也

君

子反古復始不忘所由生

是以致其敬

發其情竭力從事不敢不

自盡也

此之謂大教

昔者文王之祭也

事死如事生

思死而不欲

生忌日則必哀

稱諱則如見親

祀之忠也

思之深如見親之所愛

祭欲見親顏色者

其唯文王乎

詩云明發不寐有懷二人

則文王

之謂與

假此詩以喻文王二人謂父母也

祭之明日

明發不寐有懷二人

敬而致

之又從而思之

祭之日

樂與哀半

饗之必樂

已至必哀

已至謂祭祀由樂不

知親饗

否故哀

孝子之情也

文王為能得之矣

頌曰第十八

魯定公問於頌曰

子亦聞東野耳

之善御乎

對曰善

夫魯有初

定公曰何謂有初

頌曰魯有初

謂先王之道也

魯有初

謂先王之道也

魯有初

謂先王之道也

魯有初

孔子家語卷四

終

家語

卷四 哀公問政

十六

永懷堂

自盡也此之謂大教者文王之祭也事死如事生思死而不
生思則必哀稱諱則如見親祀之忠也思之深如見親之所
祭欲見親顏色者其唯文王乎詩云明發不寐有懷二人對文
之謂與此詩以喻文王祭之明日明發不寐有懷二人故文
王祭也

孔子家語卷五

魏散騎常侍領秘書監兼崇文館祭酒東海王 肅注

皇明

後學東吳金 蟠訂

顏回第十八

魯定公問於顏回曰子亦聞東野畢之善御乎對曰善則善矣雖
然其馬將必佚定公色不悅謂左右曰君子固有誣入也顏回退
後三日牧來訴之曰東野畢之馬佚兩駮曳兩服入于廐公聞之
越席而起促駕召顏回回至公曰前日寡人問吾子以東野畢之
御而子曰善則善矣其馬將佚不識吾子奚以知之顏回對曰以

家語

卷五 顏回

一

承讓堂

政知之。管者帝舜巧於使民。造父巧於使馬。舜不窮其民力。造父不窮其馬力。是以舜無佚民。造父無佚馬。今東野畢之御也。升馬執轡。銜體正矣。馬非為車步驟馳騁。朝禮畢矣。馬步驟馳騁。盡禮之儀也。歷險致遠。馬力盡矣。然而猶乃求馬不已。臣以此知之。公曰。善哉。若吾子之言也。吾子之言。其義大矣。願少進乎。顏回曰。臣聞之。鳥窮則啄。獸窮則攫。人窮則詐。馬窮則佚。自古及今。未有窮其下而能無危者也。公悅。遂以告孔子。孔子對曰。夫其所以為顏回者。此之類也。豈足多哉。

孔子在衛。昧且晨興。顏回侍側。聞哭者之聲甚哀。子曰。回。汝知此何所哭乎。對曰。回以此哭聲非但為死者而已。又有生離別者也。子曰。何以知之。對曰。回聞桓山之鳥。生四子焉。羽翼既成。將分于四海。其母悲鳴而送之。哀聲有似於此。謂其往而不返也。回竊以音類知之。孔子使人問哭者。果曰。父死家貧。賣子以葬。與之長決。子曰。回也善於識音矣。

顏回問於孔子曰。成人之行若何。子曰。達于情性之理。通於物類之變。知幽明之故。覩游氣之原。若此。可謂成人矣。既能成人。而又加之以仁義禮樂。成人之行也。若乃窮神知禮。德之盛也。禮宜為化顏回問於孔子曰。臧文仲武仲孰賢。孔子曰。武仲賢哉。顏回曰。武

仲世稱聖人而身不免於罪。是智不足稱也。

武仲為季氏廢適立庶為孟氏所譖出奔

于好言兵討。而挫銳於邾。是智不足名也。

武仲與邾戰而敗績國人頌之曰我君小子休

儒使我

夫文仲其身雖歿而言不朽。惡有未賢。

立不朽之言故以為賢孔子

曰。身歿言立。所以為文仲也。然猶有不仁者三。不智者三。是則不

及武仲也。回曰。可得聞乎。孔子曰。下展禽。

展禽柳下惠知其賢而使在下位不與立於朝

也。置六關。

六關關名魯本無此關文仲置之以稅行者故為不仁傳曰廢六關非也

妾織蒲。

傳曰織蒲蒲席也言

文仲為國為家在於貪利也

三不仁。設虛器。

居蔡蔡天子之守龜非文仲所有故曰虛器也縱逆祀。

帝忌為宋人躋僖公於閔公之上文仲縱而不禁也

祠海鳥。

海鳥止于魯東門之上文仲不知而今國人祠之是不知也

三不智。武仲在齊。齊將有禍。不受其田。以避其難。

武仲奔齊齊莊公將與之田武

仲知莊公將有難辭而不受也

是智之難也。夫臧武仲之智。而不容於魯。抑有由

焉。作而不順。施而不恕也。夫。

不順不恕為廢適立庶武仲之所以然欲為施於季氏也

夏書曰。

念茲在茲。順事恕施。

今此在常當順其事恕其施也

顏回問君子。孔子曰。愛近仁。度近智。

度事而行近於智也

為己不重。為人

輕。君子也夫。

不重為人

回曰。敢問其次。子曰。弗學而行。弗思而得。小子

勉之。

仲孫何忌問於顏回曰。仁者一言而必有益於仁。智者一言而必有益於智。莫如預。一言而有益於智。莫如預。一言而有益於仁。莫如恕。夫知其所

不可由。斯知所由矣。

不可由。斯知所由矣。

不可由。斯知所由矣。

顏回問小人。孔子曰：毀人之善以為辯，狡詐懷詐以為智，幸人之有過，耻學而羞不能，小人也。

顏回問子路曰：力猛於德而得其死者鮮矣。盍慎諸焉？孔子謂元回曰：人莫不知此道之美，而莫之御也。御猶待也。莫之為也，何居？為者盍日思也夫。為聞盍日有聞而後言者。

顏回問於孔子曰：小人之言有同乎君子者，不可不察也。孔子曰：君子以行言，小人以舌言，故君子為義之上相疾也，退而相愛。相病

急欲相勸，令為仁義。小人於為亂之上相愛也，退而相惡。樂並為亂，是以相愛，小人之情不能久親也。

顏回問朋友之際如何。孔子曰：君子之於朋友也，心必有非焉，而弗能謂，吾不知其仁人也，不忘久德，不思久怨，仁矣夫。

叔孫武叔見未仕於顏回，回曰：賓之。武叔多稱人之過而已，評論之。顏回曰：固子之來辱也，宜有得於回焉。吾聞諸孔子曰：言人之惡，非所以美已，言人之枉，非所以正已，故君子攻其惡，無攻人之惡。

顏回謂子貢曰：吾聞諸夫子，身不用禮而望禮於人，身不用德而望德於人，亂也。夫子之言，不可不思也。

子路將行，辭於孔子。子曰：「贈汝以車乎？」子路曰：「請以言。」孔子曰：「不強不達，人不可以強力，則不能自達。不勞無功，不忠無親，不信無復。」

信近於義，言可復也。不恭失禮，慎此五者而已。子路曰：「由請終身奉之，敢問親交取親若何？」言寡可行，若何？

孔子曰：「汝所問，苞在五者中矣。親交取親，其忠也。言寡可行，其信也。長為善士而無犯其禮也。」

孔子為魯司寇，見季康子。康子不悅。當為桓子，非康子也。孔子又見之，宰予進曰：「宰予也嘗聞諸夫子曰：『王公不我聘，則弗動。』今夫子之於司寇也，日少。謂在司寇官少，日淺。而屈節數矣，謂屈節數見於季子。不可以已乎？」孔子曰：「然。魯國以眾相陵，以兵相暴之日久矣。而有司不治，則將亂矣。其聘我者，孰大於是哉？」言聘我使在官其為治，豈復可大於此者也。魯人聞之曰：「聖人將治，何不先自遠刑罰？」自此之後，國無爭者。孔子謂宰子曰：「違山十里，蟪蛄之聲猶在於耳，故政事莫如應之。」違去也。蟪蛄，蝻也。蝻於耳，以其鳴而不已，言政事須慎聽之，然後行之者也。

孔子兄子有孔蔑者，與宓子賤偕仕。孔子往，過孔蔑而問之，曰：「自汝之仕，何得何亡？」對曰：「未有所得，而所亡者三。王事若龍，龍宜為相，因也。學焉得習，言不得習學也。是學不得明也。俸祿少，饘粥不及親戚，是以骨肉益疏也。公事多急，不得弔疾，是朋友之道闕也。其所

家語

子路

子路

子路

子路

子路

子路

子路

子路

子路

子路

子路

子路

子路

子路

子路

子路

子路

亡者三。卽謂此也。孔子不悅。往過子賤。問如孔篋對曰。自來仕者。無所亡。其有所得者。三。始誦之。今得而行之。是學益明也。俸祿所供。被及親戚。是骨肉益親也。雖有公事。而兼以弔死問疾。是朋友篤也。孔子喟然謂子賤曰。君子哉。若人。若人猶言是人者也。魯無君子者。則子賤焉取此。如魯無君子者。此人安得而學之言。魯有君子也。

孔子侍坐於哀公。賜之桃。與黍焉。哀公曰。請食。孔子先食黍而後食桃。左右皆掩口而笑。公曰。黍者。所以雪雪拭桃。非爲食之也。孔子對曰。丘知之矣。然夫黍者。五穀之長。郊禮宗廟。以爲上盛。菓屬有六。而桃爲下。祭祀不用。不登郊廟。丘聞之。君子以賤雪貴。不聞以

貴雪賤。今以五穀之長。雪菓之下者。是從上雪下。臣以爲妨於教。害於義。故不敢。公曰。善哉。

子貢曰。陳靈公宣淫於朝。靈公與卿共姪夏姬。泄治正諫而殺之。是與比干

諫而死。同可謂仁乎。子曰。比干於紂。親則諸父。官則少師。忠報之心。在於宗廟而已。固必以死爭之。冀身死之後。紂將悔悟。其本志情在於仁者也。泄治之於靈公。位在大夫。無骨肉之親。懷寵不去。仕於亂朝。以區區之一身。欲正一國之婦昏。死而無益。可謂捐矣。詩云。民之多辟。無自立慮。謂邪其泄治之謂乎。

孔子相魯。齊人患其無君。欲敗其政。乃選好女子八十人。衣以文

飾而舞容璣容璣舞曲及文馬四十駟駟四馬也以遺魯君。陳女樂。列文馬。

于魯城南高門外。季桓子微服往觀之。再三將受焉。告魯君為周

道遊觀觀之。終日怠於政事。子路言於孔子曰。夫子可以行矣。孔

子曰。魯今且郊。若致膳於大夫膳祭肉也。是則未廢其常。吾猶可以止

也。桓子既受女樂。君臣淫荒。三日不聽國政。郊又不致膳俎。孔子

遂行。宿於郭屯。師已送曰。夫子非罪也。孔子曰。吾歌可乎。歌曰。彼

婦人之口。可以出走。彼婦人之謁。可以死敗。言婦人口請謁足以使人死敗故可出走

優哉游哉。聊以卒歲。言士不遇優游以終歲也

澹臺子羽。有君子之容。而行不勝其貌。宰我。有文雅之辭。而智不

充其辯。孔子曰。里語云。相馬以輿。相士以居。弗可廢矣。以容取人。

則失之子羽。以辭取人。則失之宰子。

孔子曰。君子以其所不能畏人。小人以其所不能不信人。故君子

長人之才。小人抑人而取勝焉。

孔蔑問行己之道。子曰。知而弗為。莫如勿知。親而弗信。莫如勿親。

樂之方至。樂而勿驕。患之將至。思而勿憂。孔蔑曰。行己乎。子曰。文

其所不能。補其所不備。毋以其所不能疑人。毋以其所能驕人。終

日言。無遺己之憂。終日行。不遺己患。唯智者有之。

楚昭王聘孔子。孔子往拜禮焉。路出于陳蔡。陳蔡大夫相與謀曰。孔子聖賢。其所刺譏。皆中諸侯之病。若用於楚。則陳蔡危矣。遂使徒兵距孔子。孔子不得行。絕糧七日。外無所通。藜羹不充。從者皆病。孔子愈慷慨。講絃歌不衰。乃召子路而問焉。曰。詩云。匪兕匪虎。率彼曠野。率修也。言非兕虎而修曠野也。吾道非乎。奚為至於此。子路愠作色而對曰。君子無所困。意者夫子未仁與人之弗吾信也。言人不使通行而困窮者。豈以吾未智也。意者夫子未智與人之弗吾行也。言人不使通行而困窮者。豈以吾未智也。昔者聞諸夫子。為善者天報之以福。為不善者天報之以禍。今夫子

在厄第二十

楚昭王聘孔子。孔子往拜禮焉。路出于陳蔡。陳蔡大夫相與謀曰。孔子聖賢。其所刺譏。皆中諸侯之病。若用於楚。則陳蔡危矣。遂使徒兵距孔子。孔子不得行。絕糧七日。外無所通。藜羹不充。從者皆病。孔子愈慷慨。講絃歌不衰。乃召子路而問焉。曰。詩云。匪兕匪虎。率彼曠野。率修也。言非兕虎而修曠野也。吾道非乎。奚為至於此。子路愠作色而對曰。君子無所困。意者夫子未仁與人之弗吾信也。言人不使通行而困窮者。豈以吾未智也。意者夫子未智與人之弗吾行也。言人不使通行而困窮者。豈以吾未智也。昔者聞諸夫子。為善者天報之以福。為不善者天報之以禍。今夫子

積德懷義行之久矣。奚居之窮也。子曰：由未之識也。吾語汝。汝以仁者為必信也。則伯夷叔齊不餓死首陽。汝以智者為必用也。則王子比干不見剖心。汝以忠者為必報也。則關龍逢不見刑。汝以諫者為必聽也。則伍子胥不見殺。夫遇不遇者。時也。賢不肖者。才也。君子博學深謀而不遇時者眾矣。何獨丘哉。且芝蘭生於深林。不以無人而不芳。君子修道立德。不謂窮困而改節。為之者人也。生死者。命也。是以晉重耳之有霸心。生於曹衛。重耳。晉文公也。為公子時出奔。困於曹。越王勾踐之有霸心。生於會稽。言越王之有霸心。乃生困於會稽之時也。故居下而思不遠。處身而常逸者。則志不廣。庸知其終始乎。庸。用也。汝。

何用知其終始。或者晉文公越王之時也。子路出。召子貢。告如子路。子貢曰：夫子之道

至大。故天下莫能容夫子。夫子盍少貶焉。子曰：賜。良農能稼。不必

能穡。種之為稼。斂之為穡。良農能益種之。未必能斂獲之也哉。良工能巧。不能為順。言良工能順人。意也。君子能修其道。綱而紀之。不必其能容。今不修其道而求其

容。賜。爾志不廣矣。思不遠矣。子貢出。顏回入。問亦如之。顏回曰：天

子之道至大。天下莫能容。雖然。夫子推而行之。世不我用。有國者之醜也。夫子何病焉。不容然後見君子。孔子欣然歎曰：有是哉。顏

氏之子。吾亦使爾多財。吾為爾宰。宰。主財者。為汝主財。意志同也。子路問於孔子曰：君子亦有憂乎。子曰：無也。君子之修行也。其未

得之則樂其意。既得之，又樂其治。是以有終身之樂，無一日之憂。小人則不然，其未得也，患弗得之；既得之，又恐失之。是以有終身之憂，無一日之樂也。

曾子弊衣而耕於魯。魯君聞之而致邑焉。曾子固辭不受。或曰：非子之求，君自致之，奚固辭也？曾子曰：吾聞受人施者常畏人，與人者常驕人。縱君有賜，不我驕也。吾豈能勿畏乎？孔子聞之曰：參之言足以全其節也。

孔子厄於陳蔡，從者七日不食。子貢以所齎貨竊犯圍而出，告糴於野人，得米一石焉。顏回仲由炊之於壤屋之下，有埃墨墮飯中。顏回取而食之。子貢自井望見之不悅，以爲竊食也。入問孔子曰：仁人廉士，窮改節乎？孔子曰：改節卽何稱於仁廉哉？子貢曰：若回也，其不改節乎？子曰：然。子貢以所飯告孔子。子曰：吾信回之爲仁久矣。雖汝有云，弗以疑也。其或者必有故乎？汝止，吾將問之。召顏回曰：疇昔子夢見先人，豈或啓祐我哉？子炊而進飯，吾將進焉。對曰：向有埃而墮飯中，欲置之則不潔，欲棄之則可惜。回卽食之，不可祭也。孔子曰：然乎？吾亦食之。顏回出，孔子顧謂二三子曰：吾之信回也，非待今日也。二三子由此乃服之。

家語 卷五 十一

八官第二十一

子張問八官於孔子。入官謂當官治民之職也孔子曰安身取譽為難。子張曰

為之如何。孔子曰。已有善勿專。雖有善當與下共之教不能勿怠。

怠言人已過誤無懈已過勿發。言人已過誤無所傷害勿發揚失言勿持。有人失言勿持角之不善勿遂。已有不善

不可遂行行事勿留。宜行之事勿令留滯君子入官。有此六者。則身安譽至而政

從矣。眾從其政無違教也且夫忿數者。官獄所由生也。距諫者。慮之所以塞

也。慢易者。禮之所以失也。怠惰者。時之所以後也。奢侈者。財之所

以不足也。專獨者。事之所以不成也。君子入官。除此六者。則身安

譽至而政從矣。故君子南面臨官。大域之中而公治之。大域猶精幸較也精

家語 卷五 八官 十一

智而略行之以精智之略行合是忠信考是大倫存是美惡進是

利而除是害無求其報焉而民之情可得也夫臨之無抗民之忠

治民無抗勝之無犯民之言以慎勝民量之無侵民之辭也度量

揚之志也養之無擾於其時愛之無寬於刑法言雖愛民不可寬

不周民也若此則身安譽至而民得也君子以臨官所見則適故明

故事無不可蔽也所見適謂所求於適故不勞而得也所求者近故所以

治者約故不用衆而譽立凡法象在內故法不遠而源泉不竭法

近在於內故不遠是以天下積而本不寡言天下之事皆積聚而

而源泉不竭盡竭乃短長得其量入志治而不亂政德貫乎心藏乎志形乎色發

至民咸自治矣是故臨官不治則亂亂生則

爭之者至爭之者又於亂小亂則爭爭之甚明君必寬裕以容其

民慈愛優柔之而民自得矣行者政之始也行爲政始言民說者

情之導也言說者但善政行易而民不怨言善政行簡易言調說

和則民不變調適也言適於事法在身則民象言法度常在明在

已則民顯之若乃供已而不節則財利之生者微矣言日供不節

供生財之道微矣貪以不得則善政必簡矣言徒貪於不得財善苟以亂

之則善言必不聽也詳以納之則規諫日至納善言之善者在所

日聞日聞善言可行之善者在所能爲故君上者民之儀也有司

執政者。民之表也。邇臣便僻者。羣僕之倫也。

僻宜為辟。便僻。執事在君之左右者。論純

也。為眾之紀。

故儀不正則民失。表不端則百姓亂。邇臣便僻則羣臣汗

矣。是以人主不可不敬乎三倫。君子修身反道。察里言而服之。

則身安譽至。終始在焉。故夫女子必自擇絲麻。良工必自擇完材。

賢君必自擇左右。勞於取人。佚於治事。君子欲譽則必謹其左右。

為上者。譬如緣木焉。務高而畏下。滋甚。六馬之乖離。必於四達之

交衢。萬民之叛道。必於君上之失政。上者尊嚴而危。民者卑賤而

神。君有愛惡之心。感於民故謂如神。愛之則存。惡之則亡。長民者必明此之要。故

南面臨官。貴而不驕。富而能供。供宜為共。古恭字也。有本而能圖末。修事而

能建業。

既能修治。情事。又人君能建乎功業也。

久居而不滯。情近而暢。乎遠。察一物

而貫乎多。治一物而萬物不能亂者。以身本者也。君子蒞民不可

以不知民之性而達諸民之情。既知其性。又習其情。然後民乃從

命矣。故世舉則民親之。政均則民無怨。故君子蒞民不臨以高。不

揚也。不導以遠。不責民之所不為。不强民之所不能。以明王之功。不

因其情則民嚴而不迎。迎奉也。民嚴畏其篤之以累年之業。不因

其力。則民引而不從。引。引也。教之以非其力之所堪。則民引引而不從其教也矣。若責民所不

為。强民所不能。則民疾疾則僻矣。民疾其上。即邪僻之心生。古者聖王冕而前

旒。所以蔽明也。紘統克耳。所以掩聰也。水至清則無魚。人至察則

無徒枉而直之。使自得之。優而柔之。使自求之。優寬也。柔和也。使自求其宜也。揆而度之。使自索之。揆度其法以開示之。使自索得之也。民有小罪。必求其善。以赦其過。民有大罪。必原其故。以仁輔化。如有死罪。其使之生。則善也。是以上下親而不離。道化流而不蘊。蘊滯積也。故德者。政之始也。政不和。則民不從其教矣。不從教。則民不習。不習。則不可得而使也。君子欲言之見信也。莫善乎先虛其內。虛其內。謂無道而行。無情故也。欲政之速行也。莫善乎以身先之。欲民之速服也。莫善乎以道御之。故雖服必強。言民雖服。必以威強之。非心服也。自非忠信。則無可以取親於百姓者矣。內外不相應。則無以取信於庶民者矣。此治民之至道矣。入官之大統矣。

子張既聞孔子斯言。遂退而記之。

屋其始播百穀

晝夜緝絞也。當以時治屋也。亟疾也。當亟乘爾耕。屋以善治之也。其復當修農播百穀。言無解怠耕

之難也。焉可以息哉。曰：然則賜將無所息者也。孔子曰：有焉。自望

其廣則罕如也。

廣宜為曠。罕高貌。視其高則填如也。填塞實貌也。家雖高而奉

實也。察其從則隔如也。

言其隔而不得復相從也。此其所以息也矣。子貢曰：大哉

乎死也。君子息焉，小人休焉。大哉乎死也。

孔子自衛將入晉，至河，聞趙簡子殺竇犢、鳴犢及舜華，乃臨河而

歎曰：美哉水，洋洋乎。丘之不濟此命也夫。子貢趨而進曰：敢問何

謂也。孔子曰：竇犢、鳴犢，舜華，晉之賢大夫也。趙簡子未得志之時，

須此二人而後從政，及其已得志也而殺之。丘聞之，刳胎殺夭，則

不至其郊，竭澤而漁，則蛟龍不處其淵，覆巢破卵，則鳳凰不

翔其邑。何則？君子違傷其類者也。違去也。違或為諱也。鳥獸之於不義尚知

避之，況於人乎？遂還息於鄒，作槃操以哀之。槃操琴曲名也。

子路問於孔子曰：有人於此，夙興夜寐，耕芸樹藝，手足胼胝，以養

其親，然而名不稱孝，何也？孔子曰：意者身不敬與？辭不順與？色不

悅與？古之人有言曰：人與已與，不汝欺。言人與已，事實相通，不相欺也。今盡力養

親而無三者之闕，何謂無孝之名乎？孔子曰：由汝志之。吾語汝。雖

有國士之力而不能自舉其身，非力之少，勢不可矣。夫內行不修，

身之罪也。行修而名不彰，友之罪也。行修而名自立，故君子入則

篤行出則交賢何謂無孝名乎。

孔子遭厄於陳蔡之間絕糧七日弟子餒病孔子絃歌子路入見

曰夫子之歌禮乎孔子弗應曲終而曰由來吾語汝君子好樂為

無驕也小人好樂為無懾也懾懼其誰之子不我知而從我者乎其

之子猶言以誰氏子謂子路曰雖從我而不知我也子路悅援戚而舞三終而出明日免於

厄子貢執轡曰二三子從夫子而遭此難也其弗忘矣孔子曰善

惡何也善子貢言也惡何猶言是何也夫陳蔡之間丘之幸也二三子從丘者皆

幸也吾聞之君不困不成王烈士不困行不彰庸知其非激憤厲

志之始於是乎在。

孔子之宋匡人簡子以甲士圍之

子路怒奮戟將與戰孔子止之

曰惡有修仁義而不免世俗之惡者乎夫詩書之不講禮樂之不

習是丘之過也若以述先王好古法而為咎者則非丘之罪也命

之夫歌子和汝子路彈琴而歌孔子和之曲三終匡人解甲而罷

孔子曰不觀高崖何以知顛墜之患不臨深泉何以知沒溺之患

不觀巨海何以知風波之患失之者其在此乎在此三者之患也士慎此

三者則無累於身矣。

子貢問於孔子曰賜既為人下矣

不知為人下之道敢問之

子曰為人下者其猶土乎扣之深則泉汨澀澀其壤則百穀滋焉

家語 卷五 困誓

草木植焉禽獸育焉生則出焉死則入焉多其功而不意功雖多而無所也意弘其志而無不容為人下者當志為入下者以此也志

孔子適鄭與弟子相失獨立東郭門外或人謂子貢曰東門外有

一人焉其長九尺有六寸河曰隆穎河曰上下匡平而長穎頰也其頭似堯其

頸似臯繇其肩似子產然自腰已下不及禹者三寸纍然如喪家

之狗喪家狗生人哀荒不見飯食故纍然不得意孔子子貢以告

孔子欣然而歎曰形狀末也如喪家之狗然乎哉然乎哉

孔子適衛路出于會公叔氏以蒲叛衛而止之孔子弟子有公

夏儒者為人賢長有勇力以私車五乘從孔子行喟然曰晉吾從

夫子遇難于匡又伐於宋孔子與弟子行禮於大樹之下桓魋欲害之故先伐其樹焉今

困於此命也夫與其見夫子仍遇於難寧我鬪歟挺劍而合眾將

與之戰蒲人懼曰苟無適衛吾則出子以盟孔子而出之東門孔

子遂適衛子貢曰盟可負乎孔子曰要我以盟非義也衛侯聞孔

子之來喜而於郊迎之問伐蒲對曰可哉公曰吾大夫以為蒲者

衛之所以待晉楚也伐之無乃不可乎孔子曰其男子有死之志

公叔氏欲蒲適他國故男子欲死之不樂適也吾之所伐者不過四五人矣本與叔孫公

曰善卒不果伐他日靈公又與夫子語見飛鴈過而仰視之色不

悅孔子乃逝逝行

家語 卷之四 困誓

衛蘧伯玉賢而靈公不用。彌子瑕不肖，反任之。史魚驟諫而不從。史魚病將卒，命其子曰：「吾在衛朝，不能進蘧伯玉，退彌子瑕，是吾為臣不能正君也。生而不能正君，則死無以成禮。我死，汝置屍牖下，於我畢矣。」禮，餅舍於牖下，小歛於戶內，大歛於柩，殯於客位也。其子從之。靈公弔焉，怪而問焉。其子以其父言告公，公愕然失容曰：「是寡人之過也。於是命之殯於客位，進蘧伯玉而用之，退彌子瑕而遠之。」孔子聞之曰：「古之列諫者，死則已矣。未有若史魚歿而屍諫，忠感其君者也。不可謂直乎。」

五帝德第二十三

宰我問於孔子曰：「魯者吾聞諸榮伊曰：黃帝三百年，請問黃帝者，人也，抑非人也？何以能至三百年乎？」孔子曰：「禹湯文武周公不可勝以觀也。而上世黃帝之問，將謂先生難言之故乎？」問上世黃帝將為先生長老難言之故問。不可勝觀，乃言禹湯已下。宰我曰：「上世之傳，隱微之說，卒采之辯。」卒，事也。采，事也。辯，也。辯，說也。卒，終也。聞，忽之意。遠，不明。非君子之道者，則予之問也固矣。固陋，不得其問。孔子曰：「可也。吾略聞其說。黃帝者，少昊之子，曰軒轅，生而神靈，弱而能言，幼齊啟，莊敦敏，誠信長聰明，治五氣。」五，行也。氣，五行之氣。設五量，五，量也。權，衡也。斛，量也。尺，丈也。里，步也。十，百也。撫萬民，度四方。商，度也。四方，而無安定。服牛乘馬，擾馴，猛獸以

與炎帝戰於阪泉之野。炎帝神農氏之後也。三戰而後尅之。始垂衣裳作為

黼黻。白與黑謂之黼若斧文黑與青謂之黻若兩已相戾。治民以順天地之紀。知幽明之故。

達生死存亡之說。播時百穀。是時。嘗味草木。仁厚及於鳥獸昆虫。考

日月星辰。勞耳目。勤心力。用水火財物以生民。民賴其利。百年而

死。民畏其神。百年而亡。民用其教。百年而移。故曰黃帝三百年。

宰我曰。請問帝顓頊。孔子曰。五帝用說。三王有度。五帝久遠故用說也。三王邇則

有成法度。汝欲一日徧聞遠古之說。躁哉予也。宰我曰。昔予也。聞諸夫

子曰。小子毋或宿。故敢問。有所問當問勿令更宿也。孔子曰。顓頊黃帝之孫。昌

意之子。曰高陽。淵而有謀。疏通以知遠。養財以任地。履時以象天。

依鬼神而制義。治氣性以教衆。潔誠以祭祀。巡四海以寧民。北至

幽陵。南暨交趾。西抵流沙。東極蟠木。動靜之神。小大之物。日月所

照。莫不底屬。底平。四遠皆平。而來服屬之也。

宰我曰。請問帝嚳。孔子曰。玄枵之孫。喬極之子。曰高辛。生而禘異


自言其名。博施厚利。不於其身。聰以知遠。明以察微。仁而威。惠而

信。以順天地之義。知民所急。修身而天下服。取地之財。而節用之。

撫教萬民。而誨利之。歷日月之生朔。而迎送之。明鬼神而敬事之。

其色也和。其德也重。其動也時。其服也衷。春夏秋冬。育護天下。日

月所照。風雨所至。莫不從化。



宰我曰請問帝堯孔子曰高辛氏之子曰陶唐其仁如天其智如神就之如日望之如雲富而不驕貴而能降伯夷典禮夔龍典樂

舜時夔典樂龍作納言然則堯時龍亦典樂者也舜時而仕趨視四時務先民始之務先民事

以為始也流四凶而天下服其言不忒其德不回四海之內舟輿所及

莫不夷說夷平心說左通以為悅宗

宰我曰請問帝舜孔子曰喬牛之孫瞽瞍之子也曰有虞舜孝友

聞於四方陶漁事親為陶器躬捕以養父母也寬裕而溫良敦敏而知時畏天

而愛民恤遠而親近承受大命依于二女堯妻舜以二女舜動靜視之於二女獻明

智通為天下帝命二十二臣率堯舊職恭已而已天平地成巡狩

四海五載一始三十年在位嗣帝五十載陟方岳死于蒼梧之野而葬焉

宰我曰請問禹孔子曰高陽之孫鯀之子也曰夏后敏給克齊其

德不爽爽忒其仁可親其言可信聲為律身為度以身為法度也豐豐穆穆

為紀為綱其功為百神之主禹治水天下既平然後百神得其所其惠為民父母左

準繩右規矩左右言常用也履四時所行不違四時之宜據四海任臯繇伯益以贊

其治與六師以征不序四極之民莫敢不服孔子曰予大者如天

小者如言民悅至矣予也非其人也言不足以明五帝之德也宰我曰予也不

足以戒敬承矣他日宰我以語子貢子貢以復孔子子曰吾欲以

家語

卷五

三


元慎堂

顏狀取人也則於滅明改矣。吾欲以言辭取人也則於宰我改之矣。吾欲以容貌取人也則於子張改之矣。宰我聞之懼弗敢見焉。



孔子家語卷五

終



文心丁卯

